



ՀԱՅԱՍՏԱՆԻ Ի. ՀԱՅԱՍՏԱՆԻ Ի. ՊՐ.

ԳՐԱԳՈՐ Գ. ՍԱՐՍԵՆՅԱՆ

ՄԵՂԱՊԱՐՏ ՄՈՐԱՔՈՅՑՐԸ

Պ. Հ. ՀԱՅԱՍՏԱՆԻ ՀԱՅԱՍՏԱՆԻ



ՀԱՅԱՍՏԱՆ

(Վեպ : իրական կեսելիք)



Կ. ՊՕԼԻԱ

ՖԷԴԵՐԱՆԱԿԱՐԱՆ

ՀԱՅԱՍՏԱՆ

1000

1913

ԱՐԵՎԱԿԱՆ ՄՈՐԱՔՈՅՑ



ՄԵՂԱՊԱՐՏ ՄՈՐԱՔՈՅՑԸ

1890 Յունիս ամսոյն առաջին օրերէն հինգչարթի մը , Պոլսոյ զիխաւոր փողոցներուն անկիւնները փակցուած էր հետեւեալ մահաղդը .

Այրի Տիկին Թորոմեան ևն . ևն .

կը ծանուցանեն գառնաղէտ մահը | ծաղիկ հասակին՝
Տիկին ԳՈՀԱՐ ԳՐԵԱՆԻ

իրենց դուեր ևն . ևն :

Մահաղդը թէ հայերէն և թէ ֆրանսերէն ըլլալուն ,
ուշադրութիւն կը գրաւէր և շատեր կենալով , կարդալէ ետքը կը շարունակէին ճամբանին :

Միջոց մը , չըս հինդ հոգի միասին կը կարդային
զայն եէնի ճամբի կամարէն քավը , երբ , գրեթէ երեսուն տարու մէկը հեռուեն գալով , դէպի թուղթը հետաքրքիր ակնարկ մը հազիւ նետած , թեթև ա՛ն մը
արձակեց , և տեսնելով թէ հոն կեցողներէն մէկ երկու հոգի նշմարեցին իր յուզումը , փութով հեռացաւ այդ տիրապոկիթ գրութեան առջնւէն :

Ժամը առառուան ութ ու կէսն էր , և յիշեալ անձը

մինչեւ կամուրջին գլուխը արագ քայլերով երթալէ վերջը, յանկարծ կեցաւ, շուարած մէկու մը նման, ժամացոյցը նայեցաւ ու գրպանը դրաւ զայն, բայց հաղիւ թէ երկու րոպէ անցած կրկին նայեցաւ ժամացոյցին, բաւական ատեն ձեռքին մէջ բանեց զայն, յետոյ փոքր շրջան մը ընելով պատրաստուեցաւ կամուրջին անցնելու, բայց դրամ առնողէն քանի մը քայլ ասդին դարձեալ կենալով մըմբաց.

— Ո՛չ, անկարելի է, այսօր չեմ կրնար աշխատիւ. ինը տարիէ ի վեր երկրորդ անգամն է որ պիտի բացակայիմ. մարդ եմ վերջապէս :

Եւ ետ դառնալով հասաւ կրկին մահազգին մօտ, ուր ոչ ոք գտնուելուն այս անդամ, ուշի ուշով վերըստին կարգալէ ետքը, արտորնօք շարունակից ճամբան և կէս ժամու չափ քալելով հասաւ կէտիկ ֆաշա իր տանը առջև և գուոը զարկաւ ստիպողական գործ մը ունեցող մէկու մը պէս :

Դուոք բացող փոքրիկ սպասուհի մը, զայն տեսնելուն, չիրցաւ զսպել զարմանքի շարժում մը :

— Մայրս հո՞ս է, հարցուց թեթև դողդոջուն ձայնով մը :

— Այո՛, վերի սենեակն է, պատասխանեց սպասուին աչքերը մեծ մեծ բացած նայելով իր տիրոջը ետեւէն եր նա հապճեալ քայլերով գաւիթէն կ'անցնէր և վեր կ'ելլէր :

Արդէն մայրն ալ որ դրան զարմուիլն ու իր զաւին ձայնը լսած էր, անկարող գուշակելու այդ անակնկալ վերագրածին պատճառը, սանդուխին գլուխը անոր կ'սպասէր.

— Յակոր, զաւակս, խեր ըլլայ, ըսաւ ուշադիր նայելով անոր :

— Նախ ներս մտնենք ու նստինք, քանզի վրաս կարողութիւն չմնաց, պատասխանեց երիտասարդը :

Տիկին Աննա Սրմաեան, որուն՝ դէպի ի իր զաւակը տածած գորովալից սէրը ամէն տեսակ զգացումէ գերագաս էր իր սրախն մէջ, կարծելով թէ յանկարծական տկարութիւն մը ստիպած էր իր որդին տուն վերադառնալու այդ անսովոր ժամուն, գրեթէ սարսափակար հարցուց .

— Աման, զաւակս, եթէ հիւանդ ես շուտ բժիշկ մը կանչել տանք :

— Ո՛չ, մայրիկ, պատասխանեց Յակոր բազմոցին անկիւնը նստելով և մօրը ձեռքը բոնելով, բժիշկի պէտք չկայ, սիրտգ գող մի՛ հաներ. զգացած սաստիկ կսկիծս վրաս ուժ չժողովց, և հասկնալով որ այսօր չպիտի կրնամ աշխատիւ, հանգստանալու համար տուն եկայ :

— Զգացած կսկիծդ մի՛... մրմբաց մայրը զարմանօք :

— Այո՛, երկու խօսքով հասկցնեմ քեզի : Ամեն օրուան պէս հանդարտ սրտով գործիս զացած միջոցիս եինի ճամփին կամարին վրայ փակցուած մահազդի մը առջև խոնուած չորս հինգ հոգին ետեւէն ես ալ հետաքրքրութեամբ նայեցայ տեսնելու թէ ո՞վ էր մեռնողը : Հաղիւ թէ անունը կարդացի, ամբողջ մարմնովս գողալ սկսայ. իսկոյն հեռանալով հասայ մինչեւ կամուրջ, բայց հասկցայ թէ այսօր չպիտի կրնամ աշխատիւ և տուն վերագրածայ :

— Աղէկ ըրեր ես, ըսաւ մայրը, միայն թէ ո՞վ է եղեր այդ մեռնողը որ այդչափ տակն ու վրայ ըրեր է քեզի :

— Այդ մեռնողը, մայրիկ, կին մըն է :
 — Կի՞ն մը... մեր ազգականնե՞րէն է :
 — Ո՞չ...
 — Հասկա՞ , չբսե՞ս անունը , ո՞վ է :
 — Մայրիկ, եթէ իր խոստումը չդրժէր, այդ կինը
 հիմա քու հարսդ պիտի ըլլար :

Եւ երիտասարդը անկարող այլեւս ինքնինքը գրա-
 պելու , սկսաւ հեծկլտանօք արտասուել , մինչդեռ
 մայրը կը բացադանչէր :

— Ի՞մ հա՞րսս... իմ հա՞րսս... ա՞հ , հասկցայ ,
 Գոհա՛րը :

Յակով որ թաշկինալը աշքերուն կը շարունակեր
 լալը , գիշուովը հաստատական պատասխան տուաւ :

— Այդ կինը մեր բերնին համբ փախցուց , այդ
 կեղծաւոր և անամօթ աղջկան տուներնէս ներս մասձ
 չըլլալէն շատ գոհ եմ . ասով մէկանդ , ցաւեցայ , մեղք
 եղեր է , այդ ճահիկ տարիքին մէջ , մրմրաց Տիկին
 Սրմաեան :

— Ես ալ կը կարծէի թէ , այդ կինը արդէն այն
 օրէն մեռած էր ինձի համար , ըստ երիտասարդը միշտ
 թաշկինակով ծածկած իր երեսը :

— Այս անգամ իրաւցնէ մեռեր է , պատասխանեց
 մայրը , այո՛ , նորէն կ'ըսիմ թէ մեղք եղեր է , շատ
 ցաւեցայ , բայց Աստուծոյ կամքը այդպէս է եղեր ,
 մեղք ըրածին պատիմք գտեր է :

Եւ տեսնելով որ զաւակը լուս և միեւնոյն գիր-
 քին մէջ կենալը կը շարունակէր , աւելցուց .

— Քու սրտիդ ո՛ր աստիճան բուխ և հաւատարիմ
 ըլլալը դիմուալուս , չեմ նեղանար անոր մեռնելուն
 այդչափ ցաւելուդ համար : Հսդ չէ , լաց քիչ մը , այդ

կերպով և կամաց կը բացուիս + + : Մեռնողը
 նորէն ետ չ'գառնար , թէեւ ասիկա ետ գառնայ ալ ,
 նորէն քեզի օգուտ մը չ'ունի :

— Գիտեմ , ըրածս բոլորովին անօգուտ տղայու-
 թիւն է , ըստ քիչ ետքը Յակոր , բայց ի՞նչ ընկմ ,
 ձեռքս չ'է :

Այս կերպով կէս ժամու չափ անցաւ և արդարե-
 երիտասարդը տակաւ առ տակաւ սփոփելով արցունք-
 ները գաղրեցան :

Պատէն կախուած ժամացոյց մը , ցորեկէն մէկ ժամ
 առաջ զարկաւ :

— Գիտեմ որ գուն հիմա ուտելու շատ ախորժակ
 չպիտի ունենաս , ըստ մայրը ոտքի ելելով , անոր
 համար սիրած կերակուրդ պատրաստեմ որ քիչ մ՛ու-
 տես :

— Այրա՞ծ կերակուրս , հարցուց Յակոբ չ'համկը-
 նալու ձեւով :

— Այո՛ , սիրածդ , խաւիծ մը շնում :

Արդարեւ երիտասարդը չափազանց կը սիրէր այդ
 ուտելիքը , զոր Տիկին Արմաեան ամենէն գծուարահամ
 քիմքերն իսկ գոհացնելու աստիճան համով կը պատ-
 րաստէր , բայց գարձնալ մրմրաց .

— Մայրիկ , բան մ'ալ ուտելու ախորժակ չ'ունիմ :

— Ես ալ չ'ունիմ . բայց իրարու նայելով կ'ու-

տենք , պատասխանեց մայրը :

Եւ քանի մը միսիթարական խօսքեր ալ ըսելէ վեր-
 ջը , մեկնեցաւ սենեակէն , իջաւ խոհանոցը , պատրաս-
 տելու համար զաւկին սիրած կերակուրը :

Մօրը մեկնելէն քանի մը վայրկեան ետքը , Յա-
 կոբ ոտքի ելելով , խոհուն դէմքով ու մէծաքայլ ըս-

կըսաւ պտտկիլ սենեակին մէջ։ Ստեն ատեն կ'արտասանէր կիսկատար խօսքեր, որոնցմէ որոշակի կը լըսուէին, Գոհար . . . այդչափ շո՞ւտ գտար պատիժդ . . . երանի թէ տեսած չ'ըլլայի քեզի . . . իմ կեանքս դառնացուցիր . . . երկու բան . . . բարոյականիս ուժն ու քու ապէրախտ ու նախատալից վարժունքիդ վերյիշումը . . . , արդելք կ'ըլլան այս մեծ վշտէն բոլորովին չ'ընկճուելուս . . . : Աւա՛ղ . . . թէ քեզի ըրիր թէ ինծի :

* *

Յակորի հայրը Սինեմ աղա, որ քանի մը տարի առաջ նաւակով Պոլսէն դիմաց անցած միջոցին դիպուածաւ ծովը իյնալով խեղզուած էր, ուրիշ մականուն մ'ունէր, բայց այն աստիճան հաճելի և ազնիւ բնաւորութեան մը տէր էր որ, անոր ծանօթներն ու ազգականները շարունակ կ'ըսէին . . . “Թապիաթը խաս սրմայի կը նմանի՞ : Եւ ահա օր մըն ալ անոնցմէ մին առաջարկած էր, որ Սրմաեան կոչին զայն : Գաղափարը անմիջապէս ընդունուեցաւ և հազիւ ամիս մը ետքը Սրմաեան բառը բանած էր հին անուան տեղը : Որդին ալ, ամէն տեսակէտով հարազատ յաջորդն էր իր հօրը : Մայրը շատ և երկու երեք տարի լացած էր իր ամուսնոյն կորստեանը վրայ, բայց վերջապէս գտած էր միխթարութիւնը, սրտին ամբողջ գորովը տալով իր զաւկին որ միւնոյն կերպով կը փոխարինէր զայն : Մօրը ամեն սիրածները անոր ալ սիրելի էին . . . տիկին Սրմաեանի ամենափոքը փափաքները իւրեն համար անդառնալի հրամաններ էին, և, ոչ մէկ պարագայի մը կը թերանար դէպի իր մայրը տածած

յարգանքին և սիրոյն մէջ։ Այնպէս որ, Սինեմ աղայի անակնկալ կորստեանը դառն յիշատակէն զատ, ոչինչ պատճառ գոյութիւն ունէր անոնց խաղաղ և հանդարտ կեանքը վրդովելու :

Արդարև, սև կէտի մը գաղափարը, գիսաւորի մը արագութեամբ կուգար կ'անցնէր երբեմն երբեմն, այդ պայծառ մթնոլորտին մէջէն, երբ մայրը կ'ըսէր իր որդւոյն, թեթև մտածկու դէմքով մը .

— Բայց, զաւակս, մինչև քա՞նի տարիքդ այսպէս ամուրի պիտի կենաս :

— Մայրիկ, ես ալ միշա այսպէս կենալ չեմ ու գեր :

— Քանի որ այդպէս է, յարմար աղջիկ մը փընտռնք :

— Փնտռենք, սակայն եթէ այդ գալիքը մեր այս հանդարտ կեանքը խանգա՛րէ . . . :

Այդ երկիւղալի գաղափարը միշտ տանջելուն նաև տիկին Սրմաեանի միտքը, գէմքը աւելի անձկալից տեսք մը առնելով բոպէ մը կը լոէր, բայց խորհելով թէ ինքնասիրութիւն պիտի շլլար այդ պատասխանով բաւականանալն, ու աստիճան մըն ալ չստիպելով իր զաւակը, ցոյց տալն թէ զայն ամուսնացնել ուղելու փափաքին արտայալումը անչիմն ձեւակերպութիւն մըն էր միայն, միանդամ ընդ միշտ զայն համոզելու մտօք կը հարցնէր :

— Հայրդ ու կեսուրս երբէք դժգոհութիւն յայտնա՞ծ են իմ մասիս :

— Ընդհակառակը, մայր իմ, մամս շարունակ կ'ըսէր թէ գուն տիպար հարս մըն ես :

— Կարծեմ թէ անմտութիւն կ'ըլլար մտածել թէ աշխարհիս մէջ իմ նմանս չկայ :

— Ո՞հ, ո՞վ գիտէ ինչեր կան :

— Քանի որ այնպէս է, և տարիքդ ալ լեցուած, առանց ժամանակ անցնելու, և մանաւանդ աղէկ ընտանիքէ աղջիկ մը դանենք :

— Այո՛, ես գրամօժիտ ևայն չեմ ուզեր, միայն թէ առնելիք կինս կարելի եղածին չափ բարձր ընտանիքէ մը ըլլայ :

— Ես ալ ճիշդ քու գաղափարէդ եմ, ինչպէս ըսի :

— Միայն թէ, մայրիկ, գիտես արգէն նաև ուրիշ մէկ փափաքս :

— Դիտե՛մ, պատասխանեց Սննա ժպտելով, աղջիկը գեղեցիկ ըլլալու է :

— Այո՛ :

— Այդ մասին վստահ եղիր, և քանի որ համաձայնեցանք, գործի ոկտինք :

Այս վերջին խօսքերուն, երիտասարդին դէմքը մոայլութիւն մը պատելով կ'ըսէր .

— Կ'աղաչեմ, մայրիկ, մէկ երկու ամիս ալ համբերէնք, և կը խոստանամ թէ վերջնական պայմանաժամ պիտի ըլլայ այս :

— Կայքը քուկդ է, զաւակս, իմ միակ պարտքս քեզի հասկցնել է թէ անքաւելի մեղք մը պիտի համարիմ եթէ քու ամուսնութեանդ արդելք ըլլամ :

— Քաւ լիցի, սիրելի մայր, այդպիսի գաղափարի մը շուքն իսկ ունենալս անսերելի յանցանք մըն է ինձ համար :

Խօսակցութիւնը հոս կը վերջանար, և երկուքն ալ կատարելապէս անկեղծ էին : Միայն թէ, կար կէտ մը, զոր Յակոբ գաղտնի կը պահէր . այսինքն, կ'ուզէր և որոշած էր իր առնելիք կինը զիստածաւ տեսնել, հաւանի և յետոյ անոր ձեռքքը իննդրել, մէկ խօսքով, սիրահարութեամբ ամուսնանալ կը փափաքէր, և այդ փափաքը կը քաջալերուէր իր ունեցած լաւ գիրքին ու գրեթէ առանց բացառութեան բոլոր դայն ձանցողներ

յառաջիկային անոր վրայ ո և է պատասխանատուութիւն չթողելու մասք էր :

Երիտասարդը 18 տարեկան ելած էր ֆրանսական վարժարանէ մը, առողջ գաստիարակութիւն մը և ուսման կարեւոր պաշար մը ամբարելէ վերջը : Նախ և առաջ երկու երեք տարի, փոքր գործով մը պարապելէ յետոյ, իր հօրը մէկ ծանօթին միջոցաւ, իբր պաշտօնեայ մտած էր յալութիւն եւրոպական հաստատութիւն մը, ուր իր ուշիմութեան և ընդունակութեանը չնորհիւ, ամէն տարեգլխոյն յառաջացումներ ունենալով, վերջնականապէս զբած էին դայն թղթակցութեան հիւղին մէջ 17 ոսկի ամսականով :

Յակոբ, ինայսաէր և հաշւով ծախսող էր : Կէտիկ Փաջա բնակած տուներնին իրենցն ըլլալէն դատ, բազմանդամ ընտանիք մըն ալ չունէր, ուստի ստացած ամսականին հազիւ կէտը կը ծախսէր : Մայրը որ արգէն համեստ կին մըն էր, իր ամսամոյն անդարմանելի կորուսաէն վերջը, բոլորովին քաշուած կեանք մը կ'անցունէր : Կը տեսակցէին քանի մը վաղեմի գրացիւներու հետ որոնք, ամեն առթիւ հանգուցեալ Սինեք ալայի բարեմանութիւնները կը յիշէին և այդ տեսակ հազուագիւտ ամուսին մը չմուսնալուն համար մեղագրելի չըլլալը կը հաստատէին :

Ըսկնք թէ կար կէտ մի զոր երկուսարդը իր մօրմէն գաղտնի կը պահէր . այսինքն, կ'ուզէր և որոշած էր իր առնելիք կինը զիստածաւ տեսնել, հաւանի և յետոյ անոր ձեռքքը իննդրել, մէկ խօսքով, սիրահարութեամբ ամուսնանալ կը փափաքէր, և այդ փափաքը կը քաջալերուէր իր ունեցած լաւ գիրքին ու գրեթէ առանց բացառութեան բոլոր դայն ձանցողներ

բուն հաստատելէն՝ անոր համակրելի և հաճելի բնաւորութեան տէր երիտասարդ մը ըլլալը :

* *

Գործերը այս վիճակին մէջ էին, երբ հինգչարթի օր մը լատինական տօնի մը առթիւ, անոր աշխատած եւրոպական հաստատութիւնը գոյ ըլլալէն, Յակոբ սովորականէն ուշ ելաւ գուրս և կանուխէկ ալ վերագարձաւ տուն :

Երկու երեք դուռ վարը բնակող տարւոք կին մը այցելութեան եկած էր իր մօրը :

Երիտասարդը մենեւակ մանելով սովորական ձեւակերպութիւնները կատարելէ վերջը, երբ միջոց մը խօսակցութիւնը ընդհատեցաւ .

— Մայր, ըստու, սա վերի անկիւնի տունը վարձուեր է :

— . . . եաններուն տունը :

— Այո՛ :

— Արդեօք ո՞վ են վարձողները :

— Զեմ դիտեր, միայն թէ երկու անգամ ալ առջեւէն անցնելուս շատ գեղեցիկ աղջիկ մը տեսայ հոն,

Տիկին Սրբաեան, որ առաջին անգամ ըլլալով կը լսեր իր զաւկին թերնեն կնոջ մը գովեստը, ուշադիր նայեցաւ անոր, որուն աչքերը անսովոր փալ մ'ստացած էին: Մայրը իսկոյն կռահեց ատոր գաղտնիքը, թէ թերեւս Յակոբ զայն հաւած ըլլալով կնութեան ուզելու նպատակաւ կը խօսէր: Ուստի հաստատելու համար թէ ինքն ալ անկեղծօրէն կը փափաքէր.

— Արդեօք Հա՞յ են, հարցուց:

— Կարծեմ թէ, քանզի հիմա անցած միջոցիս ներսէն ձայն մը Գոհար պոռաց և նա ալ եկայ պատասխանեց :

— Ես կը ժանչնամ զանոնք, ըստ գրացուհին, առաջ Սրբայ իչի կը բնակէին, ձեր այդ տեսածը Նարդոս հանրմին աղջիկն է. իրաւ ալ չատ գեղեցիկ է:

Երիտասարդը խոհեմ բնաւորութեան տէր ըլլալէն զատ, գիտնալով նաև թէ մայրը գուշակելով իր թագուն միտքը, այդ ընտանիքին մասին կարելի եղածին չափ ստոյդ տեղեկութիւն առնել պիտի ջանար, յուղուց որ նա խօսի :

— Այդ ընտանիքին անունն ի՞նչ է, հարցուց Աննա:

— Թորումեան կ'ըսուեին :

— Այդ անունը երեք լսած չէի :

— Արդէն երեք տարի առաջ իւսկիւտարէն եկած են: Ես ալ, անոնց քովի տունը քոյրս կը բնակէր, հոն տեսայ մէկ երկու անգամ:

— Ի՞նչ տեսակ մարդիկ են:

— Շիտակը շատ համեսցայ ես, եթէ կարգուելիք տղայ մ'ունենամ կ'ուզեմ այդ աղջիկը :

— Մայրը ինտո՞ր կին է:

— Շատ լուսումը, խօսքը վարմունքը տեղը կին մըն է:

— Հա՞յրը :

— Անիկայ կարծեմ երկու տարի առաջ մեռաւ:

— Ի՞նչ հիւանդութենէ:

— Իմացածիս նայելով ձմեռ օր մը անձրեւի բռնուելով աղէկ մը մսեր է և չին կրցեր աղատել:

— Մե՛ղք, ըստ տիկին Սրբաեան արգահատական շեշտուլ մը:

— Այո՛, չատ մեղք:

— Աղջիկը կը թեա՞լ է:

— Կը թեալն ալ խօ՞սք է: Երկու երեք լեղու կը

Խօսի ջուրի պէս և լաւ դաշնակ կը դարնէ։ Աղջկան մը համար առաջից առելի ի՞նչ պէտք է։ Իմացածիս նայելով յատ աղէկ գիտէ եղեր նաև ձեւել կարելը։

— Քանի որ էրիկը մեռեր է, տունը ո՞վ կը նայի։

— Իւսկիւտարի մէջ երկու տուն ունին եղեր, առոնց իյրաները կան, և երկրորդ, 20 տարեկանի չափ դաւակ մ'ունի որ շուկան է, բայց չիտեմ գործը ի՞նչ է։

— Այն առեն հանգիստ կրնան ապրիլ։

Այս վերջին խօսքերը արտասանելով տիկին Սննա նայեցաւ իր զաւկին, կարծես անոր հասկցնելու համար թէ ինքը ահաւասիկ հարցուց և ստացաւ պէտք եղած տեղեկութիւնը, որով եթէ զաւակն ալ ունէր արգարե դիտաւորութիւն մը, հասած էր իր միտքը բացայաց հասկցնելու վայրկեանը։

Յակոբ իր կարգին գուշակեց մօրը ակնարկին նշանակութիւնը, և ինչպէս ըստինք, վստահ ըլլալուն թէ ամուսնանալով պիտի իրագործէր անոր փափաքը։

— Մայր, ըստւ, կարծեմ թէ հասած է մեր միջև քանի մը անզամներ տրուած որոշման գործադրութեան ժամը։

— Բայց խօսինք զաւակը, գուն այդ աշխիկը շատ հաւնեցար և առնել կ'ուզեմ։

— Այո՛... եթէ տան, պատասխանեց երիտասարդը խօսնարհ ձայնով մը մինչդեռ գրացուհին մեծ հետաքրքր քրութեամբ մտիկ կ'ընէր ակնարկիները պատցնելով մէկէն միւսը։

— Եախ հարցնենք վնատունք, եթէ պատճառ մը չունի. օբինակի համար, կարելի է նշանած է։

— Ոչ, այդ մասին անհոգ եղիք, նշանած չէ։ Ու-

գողներ եղան, բայց աղջկեց չ'ընդունեց, ըստ դրացուհին։

— Ուրեմն եթէ զի՞ս ալ չ'ընդունի, հարցուց երիտասարդը այցելու կնոջ։

— Միւսիւ Յակոբ, երեսնուդ ըսել չ'ըլլայ ամա, դուք անոր պէս շատ կրնաք գտնալ, բայց անիկա ձեզի պէսը քիչ մը դժար կը գտնայ։

— Այդ ձեր ազնուութիւնն է, էլպիս հանըմ։

— Զէ՛, չէ՛, ես սրտէս անցածը աշխիքեար կ'ըսեմ. աղջիկները հաղարին մէյ մը չեն կրնար գտնալ քեզի պէս էրիկ մը. ես հապա մայրդ, կեսուր մը քի, այս տունը գալիք հարսը...

— Էլպիս հանըմ, գուն ալ շատ բարի սիրու մ'ուննալուդ համար, ուրիշներուն պակասութեանցը ներղամիտ կ'ըլլաս։

— Ես գիտեմ ըստածս, մեղք որ լուսահոգի Սինեմ աղման ողջ չէ որ տեսնայ ասանկ աննման զաւկի մը օրը։

— Էլպիս հանըմ, կ'աղաջեմ, գոցենք այդ խօսքերը, Աստուծոյ կամքը այնպէս է եղեր, մենք մարդիկս միայն համակերպելու պարաւոր ենք, ըստ Յառագիտութիւն մտիկ կը յուզուէր յիկոր տեսնելով որ մայրը հետզհետէ կը յուզուէր յիկոր կրկին իր ամուսինը զոր երբեք չէր մոտնար թէն։

— Խօսքին սրան եկաւ տէ ըսի, չէնէ գիտեմ որ...

— Հիմա ողջերուն նացինք, առժամաբար ընդունելով ձեր կարծիքը, ես կրնամ շատ պիրինձի երիտասարդ մ'ըլլալ, բայց սա պատճառ մը չէ որ Տիկին թորումեան իսկոյն աղջկը ինձի տայ։

— Միւսիւ Յակոբ, աղէկ մը չը հասկցայ...

— Այսինքն ձեր և ուրիշներուն կարծիքովը ես

շատ յարգի մարդ մը կրնամ ըլլալ, բայց թերեւս առնվազ չեն հաւնիր :

— Պէտքի . ասոր հետ մէկտեղ, իմ գիտցածս՝ շատերուն հաւնածը քիչերն ալ կը հաւնին : Զայն բազմաց ձայն Աստուծոյ, կ'ըսեն :

— Ի՞նչ է որ հարկաւ օր մը կը հասկցուի :

— Հիմա, քանի որ ես քեզի գաւկիս պէս կը սիրեմ, եթէ մայրդ և դուն կ'ընդունիք, ես այս գործը վրաս կ'առնեմ :

— Ի՞նչ կերպով :

— Եթէ կ'ուզէք, ես կ'երթամ Նարգոս հանըմէն քեզի համար աղջիկը կ'ուզեմ :

Ինչպէս ըսինք, երիտասարդը ամէն բանէ առաջ, գէպի իր մայրը ցոյց տալիք յարգանքի աննշան թերացում մը իսկ համարելուն աններելի յանձանք մը, դրացուհոյն այդ առաջարկը լսելուն, նայեցաւ իր մօռը, անոր կարծիքն առնելու ձեւով : Իր կողմէն արիկն Սրմաեան իսկոյն ըմբռնելով գաւկին միտքը .

— Եթէ զաւակս ընդունի ես ալ կ'ընդունիմ, ըսաւ :

Յակոր այս խօսքերը լսելուն անմիջապէս չպատասխանեց . անոր թարթիչներուն արագ շարժումներէն կը հասկցուէր թէ վերջնական որոշում մը տալու կը ճգնէր : Արդարեւ երեք վայրկեան ետքը պատասխանեց միշտ խոնուն դէմքով մը .

— Քանի որ մայրս կ'ընդունի ես ալ պարտաւոր եմ ընդունելու և մեծապէս չնորհակալ եմ զիս ձեր զաւակը նկատելով այդպիսի փափուկ գործ մ'ստանձնելու համար . . . միայն թէ, ներողութիւննիդ խնդրելով պիտի աղաչեմ որ գոնէ շաբաթ մը անցնի :

— Կամքը ձերն է, ինծի համար շաբաթ մը առաջ շաբաթ մը ետքը մէկ է :

— Միտքս հասկցնեմ ձեզի, այդ օրիորդը տակաւին այսօր տեսայ և թէպէտ առաջին տպաւորութիւնս իսկ խմատ համակրական և նպաստաւոր եղաւ, այսինքն, տեսած վայրկեանէս հաւնեցայ, բայց սանկ քանի մը անդամ ալ տեսնեմ աւելի լաւ պիտի ըլլայ կարծեմ . . .

— Հէլպէտ, հէլպէտ, ի՞նչ ըսել է . ամէն օր կնիկ չառնուիր . . .

— Ուրեմն գաղափարս լա՞ւ կը գանէք :

— Այո՛, այո՛, շաբաթ մը, ութը տասը օր, աղէկ մը նայէ, եթէ կ'ուզես ուրիշներուն ալ հարցուցէք վիճուեցէք . . .

— Հարկ չկայ . ձեր գիտցածը կը բաւէ :

— Կրնայ ըլլալ որ իմ չգիտցածս ուրիշ գիտցող մը կ'ըլլայ :

— Տեսնենք, առ այժմ ես իմ անձնական քննութիւնս շարունակեմ, եթէ յարմարի ուրիշի մըն ալ կը հարցնենք, թէեւ հարկ չեմ տեսներ, այսպէս չէ՞ , մայր :

— Այո, զաւակս, շատ շատ էլպիս հանըմին քրոջը կը հարցնենք մէջ մը, թէպէտ չենք ճանչնար զինքը . . .

— Անիկայ լինձմէն աւելի պիտի գովէ զանընք, ըսաւ այցելուհին խնդալով :

— Հիմա, էլպիս հանըմ, եկող հինգշաբթի օր եկէք մօրմէս առէք պատասխանը . բայց կը կին կ'աղաչնեմ որ ներողամիտ ըլլաք ձեզի տուած ձանձրութիւններնոււ համար :

— Միւսիւ Յակոր, այս խօսքը եթէ անգամ մ'ալ ըսես սիրաս պիտի կոտրի, աս տեսակ բաները Աստուած Երկինքին չիշնար տէ ըներ, մարդ մարդու պատճառ կ'ըլլայ :

— Իրաւունք ունիք, բայց . . .

— Բայց մայց չկայ, ըսաւ զրացուհին մեկնելու համար ոտքի ելլելով, պէլքի մոքերնուր անցաւ ամա, քաշուցաք ըսելու, անոր համար ևս ըսեմ, մինչև նշանտուքին օրը գործը գաղտնի պահելու ենք :

— Ելպիս հանըմ, զաւակը ձերն է, պատասխանեց Աննա Ժպտագէմ ճամբու դնելով զրացուհին :

* *

Յակոր և մայրը այցելուհւոյն մինչև իր տունէն ներս մտնելը, իրենց դռանն առջև կենալով անոր նայելէ և գլխի վերջնական շարժումէ մ'ետքը վերադարձան նոյն սենեակը :

— Ինչպէ՞ս, մայր, որոշումս լաւ չէ՝ հարցուց Յակոր:

— Այո՛, իմ միտքս ալ այդ էր. թէւ առանց հետը խօսելու ուզածիդ պէս չես կրնար հասկնալ, բայց սանկ քանի մ'անգամ ալ տեսնելը աւելի յարմար կ'ըլլայ :

— Նայինք պիտի կրնա՞մ տեսնել, ըսաւ Երիտասարդը խնդարով :

— Հիմա ամառ է, իրիկուան դէմ դռանը առջեւ կ'ելլան շատ անգամ :

— Ես ալ այդ յոյսով ըսի արդէն Ելպիս հանըմին : Մայր ու տղայ գեռ քիչ մ'ատեն ալ այդ նիւթին վրայ խօսելէ վերջը, Երիտասարդը ըսաւ ժպտելով :

— Այս իրիկունէն սկսինք, սանկ անոնց տունին առջեւէն անցնելով Գումմ-Բափուի կողմը պտոյտ մ'ընեմ, թերեւս նորէն կը տեսնեմ :

Յակոր մեկնելով, անտարբեր ձեռով մ'անցաւ նորատի աղջկան տանը առջեւէն, սակայն չտեսաւ զայն: Կէս ժամու չափ ետքը վերադարձին, աւելի բաղդաւոր եղաւ, Գոհար գուան առջև կեցած էր, հագած պարզ բայց խիստ ճաշակաւոր հագուստ մը, որուն տեսքը աստիճան մ'ալ բարձրացուց Երիտասարդին համակարանքը :

Այս կերպով, գրեթէ ամեն իրիկուն, տեսակ մը ժամանիր եղածի պէս, զիրար կը տեսնէին, և երբ ըստ որոշման, Ելպիս հանըմ եկաւ հարցնելու. Տիկին Սըրմաեան թէ իր և թէ զտակին կողմէն ինդրեց որ անյապաղ երթայ խնդրէ մանկամարդ աղջկան ձեռքը :

— Թրախօմա պիտի ուզէ՞նք, հարցուց բարեկամուհին :

— Ո՛չ, զաւակս դէմ է թրախօմայով աղջիկ առնելուն :

— Շատ ապրի :

— Էսելիքներդ գիտես :

— Այո՛, այո՛, անհոդ եղիք, վաղը ցորեկէն ետքը կ'երթամ, ինչալլան քանի մ'օրէն խօսկապը կուտանք :

— Սատրածով հարկաւ աղջիկտես մը պիտի ըլլայ :

— Առանց աղջիկտեսի կ'ըլլայ մի եա՛, դուք ինձի ձգեցէք ատոնց ամենը ըսի :

Արդարեւ, հետեւեալ օրն իսկ Ելպիս հանըմ գնաց

Թորոմեաններսւն այցելութեան , պատրուակելով իրենց փողոցը գալերնին , քանզի ինչպէս ինքն ալ ըսած էր , մէկ երկու անգամ իր քրոջը տունը միայն պատահած էր անոնց :

Մայր ու աղջիկ պատշաճ ընդունելութիւն մ'ըրին իրենց այցելուհետյն , և կէս ժամու չափ անկարեւոր նիւթերու վրայ խօսակցութենէ վերջը , ելալիս հանըմ պարզեց իր այցելութեանը բուն չարժապիթը :

Տիկին թորոմեան և նորատի աղջիկը , ասանց անգամ մ'իսկ զայն ընդմիջելու և միծ ուշադրութեամբ մտիկ ըրին ելալիս հանըմին ըսածներն և երբ այս վերջինը իր խօսքը աւարտելով ըսաւ թէ , անշուշտ իրենք ալ կը տնօնէին երիտասարդը որ առտու իրիկուն իրենց բնակարանին առջեէն կ'անցնէր , ճամբան անկից ըլլալուն , կ'ոպասէր որ տաք սրտով մը , այո՛ , այո՛ , պատասխանէին :

Ուստի թեթև սրտանեղութիւն մ'զգաց , երբ մայրն ըսաւ անտարբեր ձեւով մը ,

— Շիտակը , աղէկ չեմ գիտեր , այս փողոցին անցուգարձը չատ է . կան քանի մ'անցնող դարձողներ . . . :

— Բայց , Նարդոս հանըմ , ասիկայ աչքի զարնող մէկն է :

— Կրնայ ըլլալ , բայց տունին մէջ այնչափ գործ կայ որ գուրս նայելու ատեն չունիմ :

— Մատմազէլ Գոհարիկ , աճապա դո՞ւն ալ չ'ձանչցար դայն :

— Կարծէմ ես պիտի ճանչնամ , պատասխաննց նորատի աղջիկը անհոգ դէմքով մը :

Եւ համառօտ տեղեկութիւն մը տուաւ երիտասարդին վրայ և զիսաւորաբար հագուստին մասին :

— Այո՛ , ան է , ըսաւ այցելուհին գոնէ այդ կողմէն յուսակտուր չըլլալուն համար զգացած գոհունակութիւնը դէմքին վրայ նկարուելով :

— Հեռուէն , փողոցին մէջ զիրար տեսնելէն բան մը չի հասկցուիր , հարկաւ աղջիկտես մը պիտի ըլլայ , ըսաւ մայրը :

— Ես ալ արդէն ատ պիտի ըսէի :

— Զիրար տեսնենք մէջ մը , եթէ մեննէք ալ անոնք ալ իրար հաւնինք նէ , Աստուծոյ կամքը թող ըլլայ :

— Ըսել է կ'ընդունիք :

— Ինչո՞ւ չէ . միայն սա չըսիք թէ թրախօմա պիտի տա՞նք :

— Ո՛չ , բարա չուզեր կոր :

— Սրդէն , նախամեծար կը համարիմ աղջիկ մնալ , քան թէ դրամովս էրիկ ծախու առնել , ըսաւ Գոհար գոռող ձեւով մը :

Աղջկան անվայիլ խօսքերն ու շարժումը նոյն իսկ մօրը սրաննեղութիւն պատճառելով .

— Աղջկաս , ինչո՞ւ պարապա խօսքեր կ'ընես , պատասխաննց կէս յանդիմանական չեղաով մը , միւսիւ Յակոբին գրամ չուզելէն կը հասկցուի որ աղնիւ երիտասարդ մը պիտի ըլլայ , ասոր հետ մէկտեղ , երբեմն թրախօմա ուղղողներն ալ մեղադրելի չեն , հազար տեսակ պատճառներ կ'ունենան . . . և ամեն աղջիկ չ'առնուիր առանց դրամի . . . անանկ չէ՞ , ելալիս հանըմ :

— Հելպէտ , ամեն աղջիկ Օրփորդին պէս , հէմ աղուոր հէմ կրթեալ չէ որ տեսնողը համնի :

— Այդ ձեր ազնուութիւնն է , պատասխաննց մայրը գոհունակ դէմքով մը :

Վերջապէս որոշուեցաւ ինը օր վերջը , կիրակի , Սըր-

մահաններուն աղջիկտեսի գալն , և այցելուհին հրաժեշտ առաւ . մեկնումի վայրկեանին , մայր ու աղջիկ այսպիսի մեծարանքներ շռայլեցին անոր , որ տունէն ելած ատենը իսկ բոլորովին մոռցած էր , Նարդոսի առաջին յուսահատական պատասխանները և Գոհարի անվայել խօսքերը :

Որոշեալ օրը , տիկին Աննա և որդին , Էլպիս հանըին առաջնորդութեամբ զացին աղջիկտեսի , և հասկնալի է թէ որպիսի պատիւներով ընդունուեցան :

Երիտասարդը , որ միւսներէն քանի մը պատիկ աւելի ուշադրութեամբ կը դիտէր Նարդոսի և աղջկանը շարժ ու ձեւերը , իւրովի խոստովանելով թէ հազուաշդիւտ բարեկրթութեամբ մ'օժտուած էին , ծայրադոյն գոհունակութիւն կ'զգար անզուգական կնոջ մ'ամուսինը ըլլալու երջանկութեանը տիրանալու գաղափարով :

Այցելութեան միջոցին փոխանակուած խօսքերէն և իրաբու ցոյց տրուած վարմունքներէն երկու կողմն ալ գուշակեցին թէ նպաստաւոր որոշում տրուած էր , ուստի երբ տիկին Արմաեան ոտքի ելաւ մեկնելու համար .

— Նարդոս հանըմ , ըսա ուրախ շեշտով մը , մինչեւ հիմա մէյմէկ զաւակ ունէինք , բայց ասկէ վերջը կարծեմ երկուքական ունինք :

— Այո՛ , Աստուած իրարմէ չ'զատէ , պատասխանց Գոհարի մայրը որ Էլպիս հանըմի ուղղելով խօսքը աւելցուց .

— Կը յուսամ թէ մեզի չ'մոռնալով կրկին կը հըրամմէք :

— Քանի որ մօտ ենք , հէլպէտ միշտ իրարու տունը

պիտի ըլլանք , պատասխանեց այս վերջինն ալ գոհունակութենէն ճառագայթող դէմքով մը :

* * *

Ճարաթ մը վերջը էլպիս հանըմ գնաց տեղեկութիւն առնելու թորումեանց բնակարանը , ուր կրկնապատիւ մեծարանքներով ընդունեցին զայն , չորհակավիճներ յայտնելով՝ իրենց փեսոյ ընել աշխատելուն համար այսպիսի պատուաւոր երիտասարդ մը , որ աւելի բարձր ընտանիքներէ ալ կարող էր շատ գեղեցիկ և խոշոր գրամօժիտով աղջիկ մ'առնել :

Բարի կինը առած պատասխանը հաւատարմաբար եկաւ պատմեց տիկին Աննայի , որ իր զաւկին հետ համախորհուրդ , քանի մ'օր վերջը՝ բաւական թմնկագին խօսկապով մը նշանատուքը կատարեցին և որուն հրաւիրուած էին միայն քանի մը մտերիմներ :

Այդ օրէն սկսեալ Յակոր շաբաթը մէկ երկու անգամ սկսաւ երկուեկել իր նշանածին տունը , և տեղւոյն մօտիկութեան պատճառաւ , Նարդոս և իր աղջիկն ալ յարմար օրեր կ'այցելէին Արմաեաններուն , սպասելով ամուսնութեան , որուն վերջնական թուականը թէւ անորոշ էր , բայց առ առաւելն չորս ամիսէն պիտի կատարուէր :

Արդէն աղջիկտեսի գացած օրերնէն իսկ , երիտասարդին՝ դէպի Գոհար զգացած համակրանքը փոխուած էր կանոնաւոր սիրոյ մը , որ հետզհետէ աւելի բուռն Կ'ըլլար :

Միայն պարագայ մը կար որ սրանեղութենէ աւելի զարմանք կը պատճառէր Յակոբի : Նորատի աղջիկը ոչ միայն ուեէ կերպով չէր փոխարինէր իր նշանածին յայտնապէս արտայայտած զգացումը , այլ միշտ չափուած ու վերապահ վարմունք մը ցոյց կուտար . Նոյն իսկ երիտասարդը անոր բնաւորութեանը մէջ հպարտութեան և ինքնահաւանութեան բարկ գիծ մը նշմարել կը կարծեր վայրկեան մը , սակայն Գոհար այնչափ չնորհալի և հրապութիչ էր , որ Յակոբ , անկարող գուշակելու թէ կիներն որչափ ճարտարութեամբ դիտեն սքօղել իրենց բուն նկարագրին ցայտուն պակասութիւները , տղայամտութիւն կը համարէր աննպաստ կասկածներ յղանակն 'ի մասին մանկամարդուհոյ մը , որ անշուշտ իր համեստութենէն զրդեալ շատ չէր ընտելանար մարդու մը հետ , որ վերջապէս տակաւին իր նշանածն էր միայն :

Այս կերպով երկու ամսոյ չափ անցած էր , երբ ուրբաթ օր մը ցորեկին վերջը , Սրմաեանց տանը գուոք զարնուեցաւ և փոքրիկ սպասուհին եկաւ իմացնելու տիկին Աննայի թէ քահանայ մ'եկած զինքը տեսնել կ'ուզէր :

— Քահանայ մը . մեր տաներէցը չէ՞ :

— Ոչ , Տիկին , ուրիշ մէկն է :

— Շատ լաւ , վեր հրամցուր :

Երբ Աստուծոյ մարդը կանոնաւոր և գանդադ քայլերով սանդուխը կ'ելլար , տան տիրուհին ալ կ'ըզգար անհասկնալի սրտի ճմլում մը :

Քահանան սենեակին ներս մտնելով յարմար տեղ մը նստելէ վերջը , մէկ երկու անկարեւոր խօսք փոխանակեց և խոկոյն խնդրեց Տիկին Սրմաեանէն որ

հաճի սուրճ մը հրամայել սպասուհոյն : Եւ երբ խընդիրքը կատարելէն վերջը տան տիրուհին եկաւ վերստին նստաւ , քահանան բաւական սահուն ոճով մը , համառօտ քարող մը խօսեցաւ Աննայի , որ հասկնալի զարմանքով մը բայց առանց ընդմիջելու մաիկ ըրաւ այդ խօսքերը , որոնց նպատակն էր ցոյց տալ թէ իբրև մարդ և մանաւանդ իբրև Քրիստոնեայ պարտինք համակերպութեամբ և հնագանդութեամբ տոկալ մեր վրայ եկած դժբաղդութեանց , քանի որ անկարող ենք հակառակելու Աստուծոյ կամքին :

— Տէր հայր , միհապէս չնորհակալ եմ ձեր այդ բարի խօսքերուն համար , պատասխանեց Յակոբի մայրը շուարած ձեւով մը , միայն թէ ձեղի ճանճալու պատիւը չունենալուս , չեմ դիտեր թէ ի՞նչ է ձեր այցելութեան նպատակը :

— Աղջիկս , պատասխանեց քահանան , գրեթէ յուզեալ չշտով մը , շատ և շատ կը ցաւիմ որ ձեզ նման ազնիւ տանտիկնող մը վշտակի յանձնարարութիւն մը կատարելու եկած եմ :

— Վշտակի յանձնար ...

— Այս' , պատասխանեց Աստուծոյ մարդը միւլնոյն շխտով և տեսնելով որ խօսակցուհին գրեթէ ապշած իրեն կը նայէր :

— Խօսեցէք :

— Տիկին , եան եղեր պատճառներ , և կ'երդնում որ ես ալ չեմ գիտեր , որոնց հետեւանօք Տիկին թուրումեան ստիպուեր է ...

— Զշարունակէք , տէր Հայր , կակաղեց խեղճ կինը որուն զէմքը տժգունեցաւ :

— Նշանառուքը խղել ... խօսկապը ետ դրկել ...

միայն թէ գիտցէք, Աննա հանըմ, որ շատ գժուարուև թեամբ և իրեւ քահանայ, պարտքս կատարելու ըստիակալ ըլլալուս ընդունեցայ այս գժուարին պաշտօնը, վերջացուց խօսկապին տուփը դնելով բազմոցին վրայ:

— Վա՛ի Յակոբս, վա՛ի զաւակս, մրմրաց թշուառ մայրը ձեռքը ծունկին գարնելով, ա՞ս ալ պիտի տեսնենք եղեր . . . :

— Եորէն կըսեմ թէ ես ալ ձեզի չափ կը տըրտմիմ այս անակնկալ դժբաղդութեան համար, ըստ քահանան զայն միխթարելու ձեռվ մը, կրցածս ըրի համողելու համար որ ետ կենայ այդ անիրաւ որոշումէն, բայց կարելի չեղաւ:

— Այս ի՞նչ ծուն էր եկաւ գլխուս, շարունակեց խեղճ կինը կարծես լսած չ'ըլլալով քահանային ըսածները, այս սեւ խապարը ինտո՞ր իմացնելու է զաւկիս . . . :

Դեռ բաւական ատեն այսպէս ողբալէ վերջը, երբ գուժիանը կրկին քանի մը միխթարիչ խօսքերէ վերջը և սուրճը խմելով մեկնեցաւ, դժբաղդ մայրը իսկոյն սպասուհին խրկելով կանչել տուաւ իպիս հանըմը, որ եկաւ բաւական մտատանջ դէմքով մը, քանզի դիպուածաւ տեսած էր այդ անծանօթ քահանային Սրմահանեանց տունը գալը և կասկածներ ծնած էին մտքին մէջ:

Այսու հանդերձ ապշեցաւ մնայ և բաւական ատեն չ'կրցաւ պատասխան մը տալ, երբ տան տիրուհին եղելութիւնը պատմեց անոր:

— Ես ալ սանկ սրտիս մէջ դրեր էի ամա, ի՞նչ ընեմ քանի մ'օրէն կը մոռնամ. զաւկի՞ս ինտոր իմացնելու է, կը վախնամ որ խելքին կու դայ . . . Կ'ըսէք շարունակ Աննա:

— Կեցիր, նայինք, բէք աճէլէ չընենք, պատասխանեց իլպիս հանըմ, զաթը ըսած եմ քի անիկայ իմ զաւակս ալ է. անոր համար, մէկ սաաթի չափ անցնի տէ երթամ հարցնեմ ինչու ետ ըրեր են նշանը, պէլ քի խօսք մը խառնեցին:

Երկու կիները կարծիքներ փոխանակելով ջանացին գտնելու այդ չար լուրը երիտասարդին իմացնելու ամենէն յարմար ձևը, եթէ իլպիս հանըմ հոն երթալուն, չ'կրնար համոցել զանոնք ետ առնելու իրենց անիրաւ որոշումը:

— Ի՞նչ ըսի նէ չկրցայ մօրը միտքը փոխել, ըստ մէկ ժամէ վերագանալով:

— Բայց պատճառը ի՞նչ է եղեր:

— Խըսմէթ չէ եղերէն ուրիշ պատասխան չ'տուաւ:

— Ադջի՞կը ի՞նչ ըսաւ:

— Անիկայ չտեսայ:

Վերջապէս իրիկուան տուն վերադարձաւ դործէն Յակոբ և տեսնելուն երկու կիները որք տխուր գէմքով իրարու դէմ նստած էին, թեթև սրտի սեղմում մը զգաց:

Բանի մը վայրկեան ետքը, իլպիս հանըմ խօսքի սկսաւ և զանազան դարձուածքներով կամաց կամաց եղելութիւնը հասկցուց անոր:

Երիտասարդը զարնուած վայրկեանին ցաւը չ'զգացող մէկու մը պէս, նախ և առաջ մեծ յուզում և յուսահատութիւն ցոյց չ'տուաւ, և նոյն իսկ ըսաւ թէ անտարակոյս այդ պատճառաւ երեք չորս օրէ իվեր, ըստ սովորականին, տունին առջեւէն անցած միջացին չէր տեսներ ոչ Գոհարը ոչ ալ մայրը:

Բայց այս տոկունութիւնը և վիշտին դիմադրու-

թիւնը վաղանցուկ համակերպում մը եղաւ : Յանկարծ խեղճ տղան պոռթիաց , և մինչեւ այն բողէին դեռ անգամ մը իսկ անոր երենէն չ'լսուած յիշոցներ ու հայհոյանքներ խուժեցին շրթունքներէն դուրս իր դժբաղդութեան պատճառ եղողներուն հասցէին , այսինքն , անոնց որոնք անշուշտ խօսք խանճլով դործը աւրած էին իր կարծեօքը :

Իր հօրը յիշատակին վրայ երդում ըրաւ թէ պիտի գտներ այդ չար լեզուները և այն ատեն գիտեր իր ընելլիքը :

Այս կերպով ժամ մը անցաւ , արդէն գիշեր եղած էր : Երկու կանանց առաջուց տուած որոշմանը համեստատ , քիչ ետքը հոն եկան նաեւ էլպիս հանըմի էրիկը որ թէպէտ ծեր բայց համակրելի մէկն էր : Ամենքը միասին ճաշեցին : Յակոր սեղան նստաւ անոնց հետ , բայց գրեթէ չ'կերաւ և ամենեւին չ'ստիպեցին զինքը ուտելու : Քանի որ գիտէին թէ այդ վարժունքը հակառակ արդիւնք պիտի տար : Արոշած էին միշտ բազմութեան մէջ պահել զայն , բայց առանձին թողուլ իր վշտին հետ : Գիշերը շատ ուշ պառկեցան :

Հետեւեալ օրը սաստիկ գլխացաւ մը , որուն պատճառն էր , իր սենեակին մէջ առանձին մնալուն պէտթափած յուսահատութեան արցունքները , արդիլեց զայն իր պաշտօնատեղին երթալէ : Առտուն կանուխ եկան էլպիս հանըմ և ամուսինը որք զանազան խօսակցութիւններով զբաղեցուցին անոր միտքը . ցորեին ու իրիկունը միասին ճաշեցին : Հետեւեալ օրը կիրակի էր , և գիտուածաւ այցելութեան եկած էր էլպիս հանըմի ամուսնացեալ տղան , որուն կինը քանի մը օր Պէյքօդ իր ընտանեացը քով անցնելու դաշած էր : Զայն ալ

չ'թողուցին . Կրեք չորս օր ան ալ միասին կեցաւ , և շըպաթ մը վերջը երիտասարդը բաւական հանդարւտեցաւ , կամայ ակամայ հպատակելով իր դժբաղդութեանը :

Յակոր , ինչպէս ըսինք , գրեթէ վստահ ըլլալուն թէ չար լեզուներ պատճառ եղած էին իր ինոսկապին ետ խրկուելուն , երբ մէկ կողմէն կը ջանար երեան հանել զանոնք , միւս կողմէն կարելին կ'ընէր Գոհարը չ'տեմնելու համար , քանզի կը վախնար որ անոր տեսքը թերեւս ծայրահեղութեանց պիտի մղէր զինքը : Ուստի մամբան փոխելով ուրիշ կողմէ կ'երթեեկէր տուն , թէև ամէն երեկոյ վերադառնալուն , կ'սպասէր որ իր մայրը , էլպիս հանըմի կամ ուրիշի միջոցաւը քաղուած լուր մը հաղորդէր իրեն թորոմեաններուն մասին :

Արդարեւ , ամայ մը չափ վերջը լուր տուին անոր թէ մէկ երկու անգամ էր որ անծանօթ և կակածելի տեսքով կին մը այցելութեամ կ'ուղար անոնց : Բայց ասկէց աւելին չկրցաւ համենալ :

*

Նարդոս հանըմ , Փանկալթի բնակող Արուս անուն քոյր մը ունէր , որուն բարոյականը շատ հաստատ հիմներու վրայ գրուած չ'էր երեէր : Շիտակն ըսելով ոչ ոք գիտէր անոր մասին որոշ բան մը , բայց իր դէմքն ու շարժուձեւերն ալ ցոյց կուտային թէ այդ կինը յանձնարարելի և մաքուր կեանքով մը չ'էր ապրէր :

Ունէր արհեստաւոր ամուսին մը , որ նաեւ չ'էր թերացած , իր վարմունքովը մղելու կինը գէպի այդ անկանոն ճամբան : Գինով և խաղամոլ , շաբթուան երկու երեք օրը հազիւ աշխատելով , և շահածն ալ իր մոլութեանցը ծախսելով , շարունակ կ'սակագէր իր կի-

Նը որ գրամ տար իրեն, որով այս վերջինն ալ, արդէն ընդունակ դէպի ի չարը, ամուսնական պատիւը կը բռնաբարէր, բայց այնպիսի ձևով մը, ինչպէս ըսինք, որ ոչ ոք կը ցած էր մինչև նոյն օրը դաղանիքին թափանցել:

Ահաւասիկ երկու խօսքով եղելութիւնը։ Արուս ամեն աղքէ քանի մը հարուստներու տուները կը մըտնէր կ'ելլէր, տեսակ մը օգնական կարուճիի և ուրիշ աշխատութեանց աջակցողի ձևով։ խօսակցութիւնը շատ հաճելի և ինքն ալ ճարպիկ ըլլալուն միշտ կը փրնարութէր։ զոր օրինակ, երբ տան մը մէջ հարսնիք կամ տօնախմբութիւն մը կար, պարագային և տունին համեմատ, շաբաթ մը կամ երկու երեք օր առաջ հոն երթալով, ամեն տեսակ գործերու կ'օգնէր, և այդ կերպով, ոչ միայն բաւական կլոր գումարներ կը շահէր, այլ նաև չ'էր մերժեր, այդ տեղերը պատահած մարդոց առժամանակեայ առաջարկները, եթէ անոնք ըլլային, տանուտէր, հիւր կամ սպասաւոր։

Նարդոսի ամուսինը առաջին օրէն իսկ նշմարած ըլլալով քենիին անբարոյականութիւնը, իր կնոջն արգիլած էր անոր հետ յարաբերութիւն ունենալն, այնպէս որ հազիւ մէկ երկու տարին անգամ զիրար կը տեսնէն նարդոս և Արուս։

Գոհարի նշանուելէն մէկ ու կէս ամսոյ չափ ետքը, իրիկուն մը թրքական ժամը երեքին միջոցները տանը գուռը զարնուելով, ներս մտաւ Արուս ուրախաւից դէմքով մը և բարեկց իր քոյրը որ առանձին էր, քանզի նորատի աղջիկը և եղբայրը, գայած էին տեսնելու քովի փողոցը բնակող Գոհարի մէկ դպրոցի ընկերուհին որ ծանրիէլ հիւանդութենէ մը նոր առաջիւիլ կ'սկսէր։

Արուս երբ իմացաւ անոնց բացակայութեան պատճառը, ինչպէս նաև թերեւս չուտ վերադառնալին, ըստ խորհրդաւոր ձևով մը։ — Անոնց հոս չ'դանուելիլը շատ աղէկ եղաւ, և քանի որ պէլքի հիմա կուգան կ'ըսես կոր, ես ալ հէմէն հասկցնեմ գալուս պատճառը Գոհարին համար խսմէթ մը կայ քի փախցուելիք բան չ'է

— Աղէկ ամա, անիկայ մենք մէկ ու կէս ամիս կայ որ նշանեցինք պատասխանեց քոյրը քմծիծաղով մը։

— Նշանեցի՞ք մի . . . քա որի՞, հարցուց Արուս զլխուն յանկարծ հարուած մ'ընդունողի մը պէս խեղդուկ ձայնով մը։

— Զեմ կարծեր որ ճանչնաս. աս փողոցին մէջ վարօք կը բնակին, Յակոբ Սրմահան կ'ըսեն, մար ու տղայ մ'են։

— Ո՛վ գիտէ ի՞նչ պիշխմակիզ մէկն է, ատանկ լուսընկայի պէս սարայներու լայրիս աղջիկը ի՞նչ կար քի հէմէն հաներ տուեր էք։

— Ան ալ լուսի պէս երիտասարդ է, և տունը իւրինցը ըլլալէն զատ, ամիսը քսան ոսկիի չափ ալ կ'առնէ կոր։

— Քա, քսան ոսկի կ'ըսես կոր նէ, սանքի մեծ բան մըն է։

— Քու ըսա՞ծդդ ի՞նչ կը վաստիի ամիսը . . .

— Անիկա անանկ այլըլամի ելլըլամի չէ, հօրն ու մօրը մէկ հատիկ զաւակն է. անոնց պիւթիւն ունեցածը անորն է. վաղը մէկալն օր մեռնին նէ, քսան օսկին շաբաթը ճէպ խարձլիսին պիւթ չէ . . .

— Ամմա ըրիր ա՛, ըսկ' է որ շատ հարուստ են . . .

— Քաշատն ալ խօ՞սք է . տունէն առապաներ ,
սէյիմներ , ուշախներ քանի՛ հատ կ'ուղես , մէկ լաթը
երկու ամիս պիլէ չնագնիր , ալ ո՞ր մէկն ըսեմ . աղ-
ջիկդ սարայի պէս տուն հարս պիտի երթայ . ան տէլի-
խանլըն ըսես , իբէկի պէս աղուոր , թէրպիյէլի , ի՞նչ
մեծ ֆամիլիաներ կը խենդենան կոր քի աղջիկ տանք
տէյի

— Ե՞ց , ատանկ մէկը իմ աղջիկս կ'առնէ՞ն նա-
յինք

— Քեզի ի՞նչ , ես աղուն հետ խօսեցայ . — քու գր-
տածդի ինձի մախսպուլ է , մինակ անդամ մը ֆօթօկ-
րաֆը տեսնեմ ըստ

— Եւ գուն ալ ֆօթօկրա՞ֆը տանելու եկար

— Հա , հէմ ալ անորը բերի , պատասխանեց Ա-
րուս գրանէն հանելով քանի մը թղթերու մէջ լաւ
մը ծրարուած լուսանկար մը զոր ներկայացուց իր
քրոջը :

— Իրաւ ալ սիրուն երիտասարդ է եղեր , ըստ
Նարդոս ուշադիր նայելով պատկիրին :

— Քու Սրմաեանդ ասոր կրնա՞յ ելլալ :

— Ան ալ ուրիշ տեսակ աղուոր է , պատասխանեց
քոյրը շարունակելով նայիլ կենդանագրին , ասիկա
քիչ մը աւելի աղուոր ալ ըլլայ մնդի՞նչ

— Մեզի ի՞նչը ի՞նչ է . նշանը ետ կ'ընէք լմնցաւ
կընաց :

— Նշանը ե՞տ մի կ'ընենք . հիշ ատանկ բան կ'ըլ-
լայ , ըստ Նարդոս այդ բառերը արտասանելու իմկ
վախցողի մը դէմքով :

— Ինչո՞ւ չէ :

— Հիմա խօսք է ըրածնիս ա' , նայինք կը համնի՞-

ուարիս . ո'վ դիտէ անիկայ ի՞նչ աղջիկներ կը տեսնէ

— Առ թարաֆէն ինձի ձգէ ըսի

— Ասած սա ըսէ . գուն այդ երիտասարդը ո՞ւսկից
կը ճանչնաս կոր քի :

— Շաբաթը երկու երեք օր անոնց տունն եմ .
շատ մը գործերնին , կարերնին , չամայրնին , ես չեմ
լուար , այժմնքն ակրեքտօնի պէս , իմ ճեռքովս կ'ըլ-
լայ :

— Նայինք հարը մա՞րը ի՞նչ կ'ըսեն , հարցուց
Նարդոս մտածկոտ դէմքով մը և կրկին նայելով պատ-
կերին :

— Ատոնք ամենքը իմ ծառքս են , էյօր քի տղան
քի մը հանի նէ՞ Գոհարնիս , և չհաւնուե՞լիք աղջիկ է ,
գործը լմնցած է :

— Ես չեմ խառնուիր , երիկը առնելիքը ես չեմ
աղջիկս է

— Սնանկ է ամա , նորէն գործին զլուխը գուն
ես . . . քեզի համար ալ մեծ պատիւ է ատանկ ֆամիլ-
իայի մը աղջիկ տալը :

Սրուս շատ մը խօսքերով յաջողեցաւ վերջապէս
համոզելու իր քոյրը , բայց պայմանու մը , այսինքն
առ այժմ նորատի աղջկան խօսք չպիտի բանային ,
հետեւեալ առտու Գոհարի կենդանագրիրը պիտի առներ
տաներ . եթէ հաւնուեր , այն ատեն կրկին դալով ցոյց
տալու համար երիտասարդին լուսանկարը , պիտի ջա-
նային մանկամարդ աղջիկը համոզելու , բայց առանց
ստիպման , որ առաջինէն հրաժարելով ընարէ այս երի-
տրդ և ամեն տեսակ առաւելութիւն ներկայացնող ա-
մուսինը :

Այս որոշման վրայ Նարդոս տուաւ իր քրոջը ,

Գոհարի վերջին անգամ քաշել տուած լուսանկարը և հազիւթէ Արուս իր գրպանին մէջ տեղաւորած էր զայն, նորատի աղջիկը և եղբայրը վերադարձան տուն, ուր տեսնենուն մօրաքոյրնին այդ ժամուն, թեթև զարմանք մ'զգացին:

— Աք Սարայ տուն մը հարսնիք կայ տէ մօսերս հագուստներ ծեւելու համար հոն եկայ, ուշ մնացի նէ երթամ աս իրիկուն քրոջս տունը կենամ ըսի:

— Աղէկ ըրեր ես, պատասխանեցին քոյր և եղբայր:

Քիչ ետքը բնականաբար խօսք բացուեցաւ Սրբաւանին մասին:

— Աման, աճէլէնի՞դ ինչ էր, ըսաւ Արուս գաղտնաբար դիտելով նորատի աղջիկը, աղջիկնիս տահա 18—19 տարու կայ չ'կայ, պէտքի տահա աղէկ մէկը կը գտնուէր . . .

— Խսմէթս այս է եղեր, պատասխանեց Գոհար անտարբեր ձեւով մը:

— Խսմէթը ինչ է. ատոնք պօշ խօսքեր են, գոծը եղեր լմնցեր է ամա, սանքի տահա անանկ տունը մնացած աղջիկներէն չ'ես որ վախնայիք . . .

— Շատեր ուզեցին ամա, աղջիկս ասոր հաւնեցաւ, ընդմիջեց նարգոս իր կարգին գողունի նայելու Գոհարի:

— Ես անանկ կը հասկնամ կոր քի, ուզողներուն մէջէն ամենէն աղէկը ասիկայ ըլլալուն համար տուեր էք . . .

— Քուրս ալ միւսիւ Յակոր ալ քիչ մը, առաջուընէ իրար տեսան տէ համեցան, ետքը նշանուեցան, ըսաւ եղբայրը ժպտելով:

— Է' ամօ՞թ է ըրածնիս, հարցուց քոյրը դիւրագրգիռ չետով մը, եթէ ես անոր անձին հաւնած չ'ըլլայի, չ'պիտի նշանուէի, քանի որ աւելի հարուստ էրիկ մ'առնել կը փափաքէի:

Այս անակնկալ խօսքերը լսելնուն երկու քոյր խորհրդաւոր ակնարկ մը փոխանակեցին:

* *

Հազիւ երեք օր վերջը երր տիկին թորումեան ցորեկին մօտ պատուհանին առջև ձեռագործի մը աշխատած միջոցին հեռուէն տեսաւ քրոջը գալը, սրտնեղութեան հետ խաման ուրախութիւն մ'զգաց, մէկ կողմէն գոհ իր աղջիկնը հաւնուած ըլլալուն համար, քանզի հակառակ պարագային Արուս չպիտի գար, եւ միւս կողմէն ալ աչքին առջեւ բերելով իր աղջիկը տարհամողելու տաղաւուկը:

— Մօրաքոյրս նորէն կուգայ կոր, ըսաւ քիչ մը զարմանքով Գոհար որ իր կարգին տեսած էր զայն:

— Բարի եկաւ, քրոջը տունը չ'է, պատասխանեց Նարգոս անհոգ ձեւով մը:

— Ծխուակ է, բայց առաջ շատ չէր գար . . .

— Քնա զուռը բաց . . .

Հազիւ ներս մտնելով դուռը դոցեց, վաս կինը կեղծ գորովանօք մը գրկելով պինչ մը իր քրոջը աղջիկը, սկսաւ կատաղաբար համբուրել զայն քանի մը անգամ վրայէ վրայ: Գոհար որ վարժ չէր այդ շարժման, թեթև սրտնեղութիւն մը զգաց թէկ, բայց թո-

դուց որ համբուրէ զինքը : Սակայն տեսնելով որ վերջը չէր գար .

— Մօրաքոյր, ըստ ժպտելով և երեսները սըրբելով, ալ կը բաւէ, թէ որ հիւանդութիւն մ'ունիս ինծի պիտի անցնի :

— Քա մեղա՞յ, ի՞նչ հիւընտութիւն պիտի ունենամ, քրոջս աղջիկը չե՞ս, ուզածիս չափ կը պագնեմ, կը սիրեմ... շլատակը լուսահոգի հարդ, շատ աղէկ մարդ էր ամա, ան մեղի, երկու քուր իրարմէ զատելլ մեծ անիրաւութիւն էր... ի՞նչ է նէ. անցուկը մոռագուկ է, շարունակեց տեսնելով Գոհարի գէմքին գըժգոհն ակագոհ մ'ստանալը, ինսո՞ր էք, աղէկ էք նագոհն :

— Մեղի ինչպէս թողուցիր անանկ ենք... անօթի՞ ես, հարցուց քոյրը :

— Շատ չէ ամա...

— Արդէն մենք ալ հիմա պիտի ճաշէինք, հայտէ, գոհար, աղջիկս, սեղանը պատրաստէ, սանկ յար ճար սպասուհի մը ապսպրեցինք ամա, դեռ չ'գտնուեցաւ...

— Շիտակը պէտք է ձեզի պկտիկ աղջիկ մը...

Քիչ ետքը իջան ճաշելու, Սեղանին վրայ Արուս սկսաւ զովել Գըրեաններու (իր ըստա երիտասարդին) տունին ճոխութիւնը, և առ նուազն վեց եօթը տեսակ կերակուր եփուիլը, ցորեկին և լրիկունները զատ ըլլալու պայմանաւ, և շարունակ ու գաղանի կերպով նայելով նորատի աղջկան, թէ իր խօսքերը ի՞նչ տպաւորութիւն պիտի ընէին անոր վրայ :

Գոհար որ մեծ ուշադրութեամբ մատիկ կ'ընէր այդ գովեստները, անգամ մը միայն ըստ .

— Հարստութիւնը աղուոր բան է, բայց ի՞նչ օգուտ որ... ամէն մարդ չը կրնար ըլլալ...

Անխիզն մօրաքոյրը խորհեցաւ թէ հասած էր իր նպատակը իրագործելու բոպէն և խկոյն ըստ չետելով վերջին բառը:

— Պէտքի քեզի համար է' :

— Ինծի համար է' մի, ըստ նորատի աղջիկը զարմանոք :

— Հէլպէտ :

— Ի՞նչպէս նայինք, չ'բացատրես', հարցուց մանկամարդուհին տեսակ մը ծաղրական ձայնով :

Արուս, որ թաշկինակը հանելու ձեռով ձեռքը գըրպահնը տարած էր, խկոյն գուրս հանելով Գըրեանի լուսանկարը .

— Սա տէլիխանուլըն ինտո՞ր է, հարցուց յաղթական ձեռով մը :

— Համելի երիտասարդ մը կերեւի :

— Հաւնեցա՞ր :

— Գէշ չէ, սակայն եթէ լուսանկարը կը նմանի երեն :

— Ինքը ասկէ շատ աղուոր է :

— Ո՞վ է որ, հարցուց Գոհար հետաքրքրութեամբ և շարունակելով նայիլ պատկերին :

— Գըրեաններուն մէկ հատիկ զաւակը, Թաղիկ պէյն է :

— Բանի նայիս աւելի աղուոր կերեսի կոր, ըստ նորատի աղջիկը թեւը պարզելով և հեռուէն նայելով կենդանագրին :

— Եթէ կուգեն այս աննման երիտասարդը քու էրիկդ պիտի ըլլայ :

— Իմ էրիկս մի՛, բացագանչեց Գոհար ապշած գէմքով մը :

— Սյո՛, քու էրիկդ, պատասխանեց Արուս հաստատ ձայնով մը :

— Սակայն ի՞նչպէս, չեմ հասկնար, արդէն ես նշանուած չե՞մ :

— Ի՞նչ կըլլայ, կարգուած չես եա՛... ատէց խօլայ ի՞նչ կայ, տէրտէր մը խօսկավը ետ կը տանի, ան ալ խըսմէթը ուրիշ տեղէ կը փնտռէ :

Նորատի աղջիկը որ երեխ չէր սպասեր այս տեսակ խօսքերու, յուզումէ աւելի, հետաքրքրութեամբ ըստ մօրը .

— Մայրիկ, գուն սուս բուս նատեր ես :

— Աղջիկս, ես ինչ ըսեմ, նշանածը դուն գտար, գուն ընդունեցիր, ես բանի մը խառնուեցա՞յ... հիմակ ալ չեմ խառնուիր ուղածդ ըրէ :

Նորատի աղջիկը խորհուն տեսք մ'առաւ, անոր գէմքին վրայ երեւցող հաղիւ նշմարելի կծկումներ ցոյց կու տային թէ փառասիրութիւնն ու խղճամութիւնը սոսկալի պայքար մը կը մղէին սրտին մէջ։ Սակայն մօրաքոյը որ կը գուշակէր ամեն ինչ, ըստ անտարբեր ձևով մը .

— Եայէ, կուդեսնէ այս տեղ Սամագոլին պուճախը փտտէ, կուզես նէ ձմեռները Պէյ օզլու, ամսոները Ատա, Պէօյիւք տէրէ առապաներու, վափօրներու մէջ պտտէ, գուն գիտես, մինք քեզի սիրենուս համար կ'ըսենք կոր, չէ նէ ո՛վ կուզես նէ ան առ, ի՞նծի ինչ, ի՞նծի նէ փայտա ունի նէ զարար :

Այս վերջին խօսքերը նժարը հակեցուցին քիչ մը գէպի փառասիրութիւն և նորատի աղջկան աչքերը տարօրինակ փայլ մը ստանալով հարցուց .

— Բայց, նայինք այդ երիտասարդը զիս կը հա՞ւնի :

— Ատոնք ամենքը եղած լմնցած են, եէթէր քի դուն ուզես :

— Ի՞նչպէս եղած լմնցած են, հարցուց Գոհար չ'համակնալու ձևով և նայելով մօրը սրուն մեղսակցութեանը վրայ կը կասկածէր։ Մայրը որ գուշակած էր անոր միտքը, ըստ անհոգաբարը .

— Մօրաքոյրդ անցած օր գալուն հոս չէիր նէ, շատոնց է չեմ տեսեր, ֆօթօկրաֆը բեր տէ նայիմ ըստ, ես ալ տուի, կարծեմ գրպանը գրեր հետը տարեր է...:

— Այո՛ ատանկ եղաւ. Թադիկ պէյը երբ որ ինծի ըստ քի, գուն իմ իքինձի մարս ես, ինծի աղջիկ մը գտիր, հէմէն իմ միտքս ելար, առի տարի ֆօթօկրաֆըդ ցուցուցի խենդեցաւ :

— Զարմանալի բան, պատասխանեց Գոհար կէս թէրահաւատ կէս գոն դէմքով մը, այդչափ ընտանիքներու հետ կը տեսնուին կ'ըսես, ահազին բերայի մէջ աղջիկ մը չէ կըցեր գտնել տէ...:

— Ատոնք ամեն օր տեսնելէն պրխմիշ եղեր է։ Արուս հանըմ, սանկ չ'տեսած մէկ բանս, տահա աչքերը չ'բացուած մը գտիր ինծի ըստ :

Երբ մանկամարդ աղջիկը կրկին խորհիլ սկսաւ, այցելունին, իբր թէ խօսքը իր քրոջը ուղղելով շարունակեց գովել, տունին կահկարասիքը, 150 ոսկինոց դաշնակը, աներոջը և կեսուրին լաւ վարմունքը և մանաւանդ թադիկ պէյին մազլըմ բնաւորութիւնը :

Վերջապէս սեղաննեն ելլելով վեր ելան երկու կի-

ները, մինչդեռ Գոհար սուրճ եփելու համար վարը
մնաց :

— Կարծեմ թէ գործը պիտի եփի, ըստ Արուս
գոհունակութեամբ :

— Ես ալ այնպէս, պատասխանեց քոյրը մտած-
կոտ դէմքով :

— Դուն ալ սանկ տարին քանի մը ամիս աղջ-
կանդ սայէէն Գըրեաններուն տունը խորումիշ
կ'ըլլաս :

— Աման, քուրուկ, թող մէյ մ'անիկայ տեղա-
ւորուի տէ գործը ինծի մնայ, պատասխանեց Նարգոս
յայտնապէս ուրախ ձայնով մը :

— Ի՞նչու, դուն ալ մարը չե՞ս մի :

— Հիմայ ատ ձգէ տէ, ինծի ըսէ, իրա՞ւ շատ հաւա-
նեցաւ Գոհարը :

— Հաւնին ալ խօ՞սք է : Արուս հանըմ աս աղ-
ջիկը ինծի չառնես նէ ինքզինքս կը զարնեմ ըստւ :
Զաթը ևս առաջ մէյմը միտքը հասկնալու համար, ես
չ'ըսի քի քրոջս աղջիկն է, և մինչեւ հիմակ ալ
չիյտէ :

— Քանի որ հաւներ է ըսելու ես եղեր .

— Աման, երբոր ըլլաց կ'իմանայ : Գործը ատոր
թող մնայ :

Այդ մէջոցին Գոհար ներս մտաւ : Սուրճերը խմե-
ցին : Հասկնալի է որ խօսակցութեան նիւթը միշտ մի
և նոյնն էր . և վերջապէս նոյն դիշերը նորատի աղջի-
կը երկարօրէն խորհրդածելէ վերջը, առոտն ըստ թէ
կ'ընդունէր նշանը ետ ընելով ամուսնանալ Գըրեանի
հետ :

* * *

Թաղիկ Գըրեան միամօր զաւակն էր Առաքել
Գըրեանի որուն հայրը շատ տարիներ առաջ Ակնէն
գաղթելով Պոլիս հաստատուած և վաշխառութեամբ
զբաղիլ սկսած էր : Դրամի պէտք ունենալով անդամ
մ'անոր ձեռքը ինկողը, հազիւ կրնար աղատել միայն
իր մորթը : Այդ մարդը գլխաւորաբար կալուածի վրայ
զբամ փոխ տալուն, շատ չանցած և իր անխիղնու-
թեան ու մեքենայութեանցը չորհիւ, բարձր արժէքներ
ունեցող կալուածներ ոչինչ գիներով անոր ձեռքը կը
մնային : Երբ մեռաւ, ըստ սովորութեան չ'կերած գոնէ
մաս մը այդ հարստութենէն, զոր ամբողջովին անի-
րաւութեամբ կուտակած էր, որդին Առաքել քանիմը
տարի, բայց քիչ մը բարեխղճութեամբ, էր հօրը գոր-
ծը շարունակելէ վերջը, տեսնելով որ Պոլսոյ ամեն
կողմն իրենց ունեցած բազմաթիւ կալուածներուն ար-
մէքները անդադար կը բարձրանային, և իրենց տա-
րեկան ծախքերուն մէկ երկու պատիկն ալ կ'աւելինար
եկամուսներէն, զործը զոցելով եղաւ հասութառու,
երբ արգէն իր զաւակը թատիկ 13—14 տարեկան
կար :

Այդ պատանի տարիքէն իսկ, թաղիկ որ ամեն
տեսակ մոլութեան հակամէտ էր, առաստ դրամը տես-
նելով սանձարձակ կ'ապրէր : Ծնողքը սրոշած էին
քսանին մէջ կարգել զայն, և երբ քանի մը անդամ
խօսեցան այդ որոշման վրայ, երխոտասարդը հասկցուց

Կտրողաբար թէ ինք իր սիրածը միայն պիտի առնէր : Առաքել աղա և կինը մէկ երկու անգամ թեթև սրտնեւ դութիւն յայտնած էին իրենց զաւկին այդ անպատկառ խօսքերուն համար, բայց նա մէկ հատիկ զաւակ և դրամն ալ առատ ըլլալուն .— Ուզածը թող առնէ, ըսին իրարու և ուրիշ անգամ չ'խօսեցան այդ մասին :

Պատանին թադիկ թէւ շատ ծոյլ, բայց բնականչն ուշիմ ըլլալէն, եւրոպական վարժարանէ մ'ելլելուն բաւական լաւ գիտեր թրքերէն և ֆրանսերէն մինչդեռ մայրենի լեզուին շատ տեղեակ չէր :

Սրդէն առաջին օրէն իսկ շոայլօրէն կը ծախսէր դրամը, բայց գպրոցէն ելլելէն քիչ ետքը իրը ժամանց, Ղաղաթիա խանի մը մէջ վարձեց գրասենեակ մը, ուր կառավարական պաշտօնէից մէջ ունեցած բազմաթիւ ծանօթներուն չորհիւ, հանքի, անտառներու և այլ նման ձեռնարկութեանց մենաշնորհներ առնել ծախելով մեծկակ գումարներ կը շահէր :

Հաղիւ 18 տարիքին մէջ, Թագիկ արդէն կատարեալ սրիկայի տիպ մ'էր, բայց իր հարստութիւնը կը ծածկէր ամեն ինչ : Հակառակ դաստիարակուած ըլլալուն եւրոպական վարժարանի մը մէջ, քիչ մը սըրտնեղելուն, մինչեւ կոշտութեան և տմարդութեան գացող անկրթութիւն մը ցոյց կուտար :

Ահաւասիկ այս կարգի գուեհիկ անառակի մը հետ ամուսնացնելու համար վատհոգի մօրաքոյրը, աշխատած և յաջողած էր Գոհարը զատելու իր ազնիւ և պատուաւոր նշանածէն :

Նորատի աղջկան պատկերը տեսած վայրկեանէն խակ, չ'կընալով գիմադրել անոր ազդած հրապոյրին, հարցուցած էր .

— Աղէկ ամա, նայինք այս ըէսիմին պէս աղուո՞ր է :

Երբ Արուս երգմամբ հաստատած էր թէ Գոհար իր պատկերէն շատ աւելի զեղեցիկ էր, այն ատեն երիտասարդ Գըրեան համեցուցած էր այդ անարժան կողջ թէ դրամական ամենամեծ զոհողութեանց պատրաստ էր, եթէ յաջողէր համոզելու զայն որ իր հոմանուհին ըլլար :

Սակայն Արուս բացարձակապէս մերժելով այդ առաջարկը, յայտարարած էր թէ զայն ունենալու միակ պայմանն էր ըստ օրինի ամուսնանալ հետը, մասնաւանդ արգէն ան իրեն համար զոհած էր հագուած գիւտ նշանած մը, որ կրկին պատրաստ էր, եղածը մոռնալով առնել Գոհարը :

Մօրաքոյրը գիտմամբ և երիտասարդին կիրքը գրգռելու համար ըստ այդ վերջին խօսքերը որք տուին անոր սպասած արդիւնքը, քանզի հետեւեալ օրն իսկ վերջնականապէս ծանոյց թէ պիտի ամուսնար օրինաւորապէս, բայց առաջ անգամ մը տեսնելու պայմանաւ :

Արուս ընդունելով պայմանը, հարցուց թէ ծնող զացը չ'պի՞տի խօսէր այդ մասին :

— Նախ տեսնամ զայն, եթէ ըստածիդ պէս գոհար է . . . ես անոնց հարցնելու պէտք չունիմ :

— Կարմքը քուկդ է, պատասխանեց խօսակցուհին :

Որոշուեցաւ որ յառաջիկայ կիրակի Արուս և Նարգոս ցորէկէն վերջը պիտի բերէն Գոհարը Յերա հաստակակաց պարտէկը (օդերը զով ըլլալուն Գըրեանք այդ ատարի գիւղ գացած չէին), ուր անոնց պիտի պատա-

հէր երիտասարդը, որ եթէ հաւնէր նորատի աղջիկը, պիտի մօտենար ու միանար հետերնին, իսկ հակառակ պարագային բարեւելով պիտի անցնէր :

Հարկ չ'կայ երկար բացատրութեանց թէ մանկամարդ աղջիկը որպիտի չնորհալի և քիչ մ'ալ գրգռիչ արդուղարդով մը, որուն համապատասխան էր նաև երկու կանանց հագուստները, գնաց այդ ժամադրութեան :

Թագիկ զանոնք տեսնելուն պէս, խոստովանելով թէ Սրուս չ'ը խարած զինքը հաստատելուն թէ Գոհար իր կենդանագրէն աւելի գեղեցիկ էր, դէպի նորատի աղջիկը վաւաշոտ ակնարկներ նետելով մօտեցաւ անոնց, և երբ ըրին մէկ երկու պատյա, որուն միջցին երկու կողմն ալ կը ջանային իրարու աւելի հաճելի երեւնալու, ըստ կարեւոյն առանձին մնալու մտօք, պարտէղին մէջտեղի չենքը մանելով նոտան : Երիտասարդը ստիպմամբ բերել տուաւ հռն դանուող սմինէն սուր ըմաղելիներէն, մինչդեռ երկու կիները ի զուր կըսէին անոր թէ իրենք վարժ չեն այս աեստի խմելիքներու :

Հոս անցողակի ըսկնք թէ Գըրեան, անկարելոյն գէմ համակերպելով միայն ընդունած էր ամուսնանալ Գոհարի հետ, և ինքը որ պատիւ չունէր, ուրիշներուն պատոյն ալ կարեւորութիւն չի տալուն, խորհած էր թէ երբ իր կնոջմէն ձաձրանար կամ թէ նա զինքը նեղեր, առաջին առթիւ պատրուակ մը գտնելով, կլնար կից մը ապա ու տունէն գուրս նետել զայն, քանի որ, մանաւանդ երեւելի ընտանիքէ աղջիկ մ'ալ չ'ը որ քիչ մ'ալ քաշուէր անոր ծնողքէն : Գլուով իր ծնողացը, այդ կողմէն ոչ մէկ վախ ունէր, ինչպէս որ պի-

տի թողովին իր ուղածին հետ ամուսնանալը, նոյնպէս նաև ուեէ առարկութիւն չ'պիտի ընէին երբ զայն տունէն հեռացնէր : Ուստի ամեն ինչ կախեալ էր Թագիկի խիղճէն ու բարյականէն որուն երկուքն ալ արդէն շասնաց թողած հեռացած էին անկից :

Երբ իրիկուն եղաւ ու երկու կիները մեկնելու համար ոտքի ելան, երիտասարդը շատ ստիպեց որ այն զիշերը Բերա մնալով թատրոն երթան միասին, յետոյ ամենքը մէկէն պանդոկ մը կը պառկէին :

— Բայց տունէն ձեզի չե՞ն սպասեր, հարցուց Նարդոս :

— Ոհ, անոնք վարժուած են, ամիսը երկու անգամ պիէկ միատեղ չենք ճաշեր :

— Ինչ որ է, ուրիշ անգամ, պնդեց մայրը, զաւակս շատ մէրաք կընէ տունը, եթէ չ'երթանք, ուրիշ ատեն :

Տիկին Թորոմեան առաջարկը չընդունելով, եթէ մասամբ իր որդին մտահոգի մէջ ձգելէ կը վախնար, զլսաւորաբար ալ, նշմարած ըլլալով իր փեսան ըլլամբք մարդուն, աչքերովը շարունակ Գոհարը լափելը, կ'ուզէր ստիպել զայն ամուսնութիւնը փութացնելու :

Արդարեւ հաշիւը սխալ չելաւ . Գըրեան մինչեւ թիւնէլ անոնց ընկերանալով, երբ կը զատուէին, մեծ քաղաքավարութեամբ ինողրեց Արուսէն որ ըստ կարեւոյն շուտ զինքը տեսնելու գար :

Մօրաքոյրը խօստացաւ, Նոյն զիշերը միասին գացին կէտիկ փաշա և շատ ուշ պառկիցան, խօսելով շարունակ Գըրեանի վրայ : Նորատի աղջիկը ուրախութիւնէ կը ճառագայթէր և կը հաստատէր իր եղբօրը թէ ամուսնանալուն պէս, առաջին դորձը պիտի ըլլար,

ստիպել իր էրիկը որ խոշորկէկ ամսականով պաշտօն մը դժուներ աներձագին :

Արուս հետեւեալ օրն իսկ կանուխկէկ քնաց Դըրեաններու բնակարանը, ուր գտնելով երիտասարդը, որոշուեցաւ հարմնիքին օրը :

— Ես օրացոյցին մէջնայեցայ տամնընինդ օրէն հարսանիք կը լլայ եղեր, ըստ, տամնինդ օր սպասեն ալ դիւրին չէ ամա, ի՞նչ ըսենք, նալէթ ըլլայ այդ օրէնքները գնողներուն . . . :

Գոհարի մօրաքոյրը որ, իր նման կիներուն պէս, կրօնական կանոններու դէմ խօսելէ շատ կը վախնար :

— Աման, Թաղիկ պէյս, Աստուծոյ պատուիրանքներուն . . . :

— Ի՞նչ է նէ շիտակ է, ուրիշ խօսքի նայինք :

— Հէմ աղջկան ձէհէզը . . . :

— Վազ անցիր սա ձէհէզէն, Արուս հանըմ, թող սաաթ մը առաջ գայ տէ, կուզէնէ ամեն օր ես մէյմէկ ֆիստան կը շինեմ անոր, ես ինքը կուզեմ կոր, ձէհէզը ի՞նչ պիտի ընեմ . . .

— Անանկ է, հախ ունիս ամա . . .

— Քանի որ հախ ունիմ, կարճ կապէ տէ, վաղը գնա անոնց ալ հասկցուր 15 օրէն հարմնիք ըլլալը, ետքը կը նայիս տէ, խելքս կը դառնայ տէ, չեմ առներ հա գիտցած ըլլաս :

Այս սպաննալիքը, որուն կեղծ ըլլալը գիտեր վատհովի կինը, քանի իր որ գիմացինին ինչ տեսակ ապրանք ըլլալուն ծանօթ էր, ունէ վախս չ'պատճառեց անոր, այլ նոյն իսկ ծաղրի թեթև շարժում մ'ընելով :

— Աղէկ, աղէկ, պատասխանից, տամնինդ օրէն մուրատիդ կը համնիս :

Որոշեալ օրը 6 հատ փայլուն լանտօներ եկան շարուեցան ի կէտիկ փաշա թորոմեանց բնակարանին առջեւ, երբ պատուհանները կը շարուէին այս անակնկալ տեսարանէն ապշած դրացիները :

Ելպիս հանըմ որ պատշգամը նստած էր, իսկոյն գուշակեց գործը և մըմրաց .

— Աղէկ որ, այսօր Սըրմահանները պտտելու համար գիւղ գացեր են : Աստուծմէ եղաւ հոս չ'գանուիլնին :

Նախ և առաջ որոշեց եղելութիւնը չ'իմացնել անոնց, որպէսպի տրամութեան նոր առիթ մը չ'ըլլայ : Բայց յետոյ մտածելով որ անտարակոյս ուրիշ դրացիներէ պիտի լիմանային, նոյն իրիկունն իսկ էրիկն առնելով այցելութեան գնաց Սըրմահանց բնակարանը, ուր երբ, առաջուց արուած որոշման մը համեմատ ամուսինը հետաքրքրական խօսակցութեան մը բռնուած էր Յակոբի հետ, ինքն ալ Աննայի հասկցուց ցած ձայնով և համառօտակի եղելութիւնը :

Յակոբի մայրը թեթև յուղում մը միայն գգալով խնդրեց իր բարեկամուհին որ խնդիրը չ'իմացնէ առաժմ իր զաւկին :

— Ես ալ ատոր համար զաղտուկ քեզի ըսի :

— Շնորհակալ եմ . շատ էտէպսիդ ընտանիք է եղեր :

— Հախ ունիս, մեղք որ առաջուլնէ չնք հասկցեր :

— Աճապա ո՞լ է առնողը, հարցուց Աննա հետաքրքրութեամբ :

— Արապաններուն և մէջիններուն նայելով, շատ հարուստ մարդիկ պիտի ըլլան : Անհոգ եղիք ես կը հասկնամ :

Տիկին Սրմահան ծածկեց եղելութիւնը իր զաւկէն, բայց հազիւ շաբաթ մը ետքը իրիկուն մը Յաշկոր բաւական յուղեալ և տրաում դէմքով եկաւ իւմացնել իր մօրը թէ Եւրացի բարեկամէ մը գիպուածաւ իմացած էր թէ Գոհար ամուսնացած էր Գըրեան անուն շատ հարուստի մը միամօր զաւկին հետ:

— Իրարու խերը տեսնեն, պատասխանեց մայրը անտարբեր և խօսքը գոյցելով:

Յակոր լուռ կեցաւ:

Բայց յաջորդ կիրակին իսկ, այդ մասին աւելի մանրամասն տեղեկութիւն աւնելու համար զնաց Բերայ տեսնելու իր մէկ աղջականը որ երեւելի բժիշկ մ'էր:

— Կը ճանչնա՞մ մի, հարցուց այս վերջինը պատասխանելով երիտասարդին հարցմանը, Բերայի մէջ ո՞վ չճանչնար այդ սրիկան:

— Արիկա՛յ, ըսիք:

— Դեռ այդ բաւան ալ քիչ է. անոր հետ ի՞նչ գործ ունիս որ:

Յակոր որ այս անկնկալ խօսքերէն մեծապէս յուղուած էր, գրեթէ խեղդուկ ձայնով մը պատմեց իր արկածը, զոր բժիշկը չէր զիսեր:

— Հստ իս այդ աղջիկը անարժան կին մ'է եղեր, թէն նորէն ցաւարի է ատանկ վասի մը ձեռքն իյնաւուն համար, ըստա աղջականը, բայց աս անցաւոր աշխարհին մէջ քիչ մը հանգիստ առլելուն միայն միջոցը ֆէլէզօֆ ըլլալն է . . . :

— Հմելը գիւրին է, կմկմաց երիտասարդը:

— Ես փորձառութեամբ կը խօսիմ, ինձի ալ այդ տեսակ, բայց աւելի թեթեւ բան մը պատահեցաւ.

Խորհեցայ որ դէպի ինձ ուեէ հիմնաւոր զգացում մը չուենալը ցոյց տուող այդ կնոջ էրիկն ըլլալով, անշուշուշ աւելի թշուառ քան երջանիկ պիտի ըլլալի Ուստի բաղդս ուրիշ կողմ վնտուեցի և հիմայ ունիմ հազուագիւտ կին մը և երկու հրեշտակ զաւակներ:

Յակոր դեռ բաւական ատեն այդ մասին խօսակացելէ վերջը հրաժեշտ առաւ, խօստանալով հատեւիլ

անոր խորհուրդին, թէեւ առ այժմ իր վրայ չ'էր զգար

այդ տեսակ ձեռնարկ մը ընելու ուժը:

Յակոր դեռ բաւական ատեն այդ զգացում զրծ ու զդիր ուս, մայմուսուաց արդիշանց բնակու նորման պահանակ ու, * անօնեն որ առաջարկ զիջ մի զի խորհրդին պահ խնդրու Յա առաջ խորա

* *

Փառաւոր հարսանիքէ մը վերջ, եւ որուն միջոցին նորատի հարաը բազմաթիւ եւ թանկագին ընծաներ ստացաւ, թաղիկ շաբթու մը չափ կանոնաւորապէս որոշեալ ժամերուն եւ կանոնիսկէկ տուն վերադարձաւ: Ընդհանրապէս կը հասնէր իրիկուան սեղանի նստուելէն կէս ժամու չափ առաջ:

Ութերորդ օրը սակայն, երբ ընթրիքի ժամուն դեռ եկած չ'էր, անոր ծնողքը ըստ սովորութեան ձայի նըստան, հրաւիրելով հարսերնին որ իր կարգին սեղան նստէր:

— Թաղիկ պէյին չ'ըսպասենք, հարցուց Գոհար խոնարհաբար:

— Եթէ գայ, հարկաւ անօթի չ'մնար, պատասխանեցին անտարբեր ձայնով մը:

Մանկամարդ կինը անոնց չ'հակառակելու համար մստաւ սեղան, բայց հազիւ կիրաւ քանի մը պատառ,

սեղանատունը շէնքին ետեւի կողմն ըլլալուն, կը ջառարդուն զանգակին ձայնն իմանալով իր էրիկը դիմաւորելու :

Ճաշը աւարտելէն կէս ժամ ետքը հասաւ ամուսինը, որ իսկոյն ներորութիւն, ինդրեց իր կնոջմէն, անաւկընկալ պատճառաւ մը, որոշեալ ժամուն չգալուն համար :

Գոհար յարմար պատամիսն մը տուաւ եւ այն իրեկուն ինդիրը փակուեցաւ :

Հազիւ երեք օր անցած, թադիկ կրկին ուշացաւ եւ երբ ծնողքը ըստ սովորութեան նստան ճաշելու եւ այս անգամ առանց հրաւիրելու հարսերնին, այս վերջինը քաշուեցաւ իր սենեակը, եւ առաջին անգամն ըլլալով զգաց թէ ո՛րպիսի օտար մթնոլուրտի մը մէջ ապրելու եկած էր :

Մինչեւ կէս գիշեր սպասեց անօթի, ծարաւ եւ անքուն, մինչեւ որ եկաւ էրիկը :

— Ինչո՞ւ այսչափ ուշացար, հարցուց կէս յանդեմանական ձայնով մը :

— Իրաւունք ունիս, Գոհարիկս, բայց հանքի ինդրոյ մը համար եւրոպացիի մը հետն էի. ստիպեալ անոր հետ անցուցի մինչեւ այս ժամս, թէ եւ սրտէս արիւն կ'երթար իմ անուշիկ կինս սպասցնելուս համար :

— Անօթի չ'ե՞ս, հարցուց նորատի կինը գորովանոք :

— Մինչեւ այս ատեն անօթի կը կեցուի, բացաքանչեց Գրեան զարմանոք :

— Ես դեռ ցորեկուան կերածովս եմ:

— Ինչո՞ւ չ'կերաը :

— Քեզի սպասեցի :

— Աւելորդ բան ըրեր ես, դուն որոշեալ ժամուն

ճաշէ ծնողացս հետ. հեմ, անոնք մինակ չ'ձգելու համար ես ամուսնացայ :

— Ուրեմն միշտ պիտի ունենա՞ս այս տեսակ բացակայութիւններ :

— Ոչ միշտ, բայց պազի պազի կըլլայ, աղայութիւն ըրեր ես մինչեւ հիմայ սպասելուդ . . . ծառաններն ալ պառկած են :

— Արդէն ախորժակ չունիմ . . . քանի մը հատ պիսքիւի կուտեմ . . .

— Դուն զիտես, վաղը շատկէկ կեր, տեղը լեցուր :

Խոսակցութիւնը հոս վերջացաւ :

Բայց երկու իրիկուն վերջը, երբ կրկին Գըրեան կուշանար և անոր ծնողքը ըստ սովորութեան սեղան կը նստէին, Գոհար որ վարժ չըլլալուն այդ կեանքին կը զարմանար ի տես անոնց անտարբերութեան .

— Տիկին, ըստ իր կեսրոջը և աղաչական շեշտով մը, ինչո՞ւ չէք հրամայեր ձեր զաւակին որ սովորական ժամուն տուն վերադառնայ :

— Աղջիկս, պատամիսնեց Առաքել աղա կակուդ ձայնով մը, մեզի պէս դուն ալ կը վարժուիս ատոր, կեր խմէ քեչֆդ նայէ, ուշ կանուխ հէլպէտ կու գայ էրիկդ :

Մանկամարդ կինը հասկցաւ թէ ուէ պատամիսն տան անօգուտ էր, ուստի գլուխը ծոելով համակերպեցաւ և խորհելով թէ կարելի է վերջին անգամուան պէս անօթի մնար, սեղան նստելով աղէկ գէշ կերաւ :

Թիչ ետքը քաշուելուն իր սենեակը, վիրաւոր մնայիառութեանը աղդեցութեան առջեւ հպարտութիւնը տեղի տալով արցունքները յորդեցին :

Քիչ մը խիստ լեզուաւ, իր ամուսինէն բացատը բութիւն պահանջելու որոշումն բաւական մեղմացուց անոր յուգումը :

Թագիկ պէյ այս անդամ եկաւ կէս գիշերէն երկու ժամ ետքը, և իր կնոջը դիմագծերուն խստութինէն կուանելով պատահելիքը.

— Գոհար, ըստ անկէց առաջ և սրաւեղութիւն արտացայտով շեշտով մը, շատ թօափ կնիկ ես:

— Ինչո՞ւ, հարցուց կինը զապուած բարկութեամբ մը:

— Ինչո՞ւ պիտի ըլլայ, և քեզի անցած անդամ ալ չ'ըսի թէ հանքի և այլ գործերու պատճառաւ ատեն տաեն գիշերները ուշ կը մնամ տէյի. ինչո՞ւ կը սպասես, պառկէ տեղդ քնացիր, խայիպ չեմ ըլլար ա, հէլպէս կու գամ:

Եւ երբ գոհար այս անակնկալ խօսքերէն չուարձ պատասխան մը կը փնտոէր, էրիկը աւելցուց.

— Եթէ չես հաւտար հարցուր հօրս մօրս:

Այս միջադէպն ալ այսպէս փակուեցաւ, և թուրմեանի աղջիկը հասկնալով թէ միակ միջոցը համակերպութիւնն էր, ստիպումցաւ յանձնառու ըլլալու այս տարօրինակ կեանքին:

Սակայն շատ զարմանալի կերեւէր իրեն պարագայ մը որ Արուսի վարմունքին հետեւանօք հետզհետէ զգալի կ'ըլլար, այսինքն, հարսնիքէն ետքը, մօրաքոյրը գէթ անդամ մը իսկ չէր եկած զինքը տեսնելու:

Իր ամուսնութենէն հազիւ ամիս մը ետքը, փոխանակ երջանկութեան, հալլէ մաշելու սկսած էր արդէն. շուրջը չէր տեսներ կարեկից գէմք մը, որուն բանալով իր սիրաը քիչ մը սփոփանք գտնէր:

Ուստի շաբաթ մը վերջը, որոշելով մայրը տեսնելու երթալ, այդ որոշումը հաղորդեց Թաղիկի երբ առտուն մեկնելու կը պատրաստուէր նա:

— Ես քեզի հոս մահպուս չեմ ըրած ա՛, ուղած տեղդ պտտէ, պատասխանեց էրիկը թեթև կոշտութեամբ մը և ելաւ գուրս:

Գոհանալով հանդերձ թէ աւելորդ հոգնութիւն էր, գոհար գուրս ելեկու արտօնութիւն ինզրեց կեսուրէն, որ պատասխանեց թէ ուղած ատենը առանց հարցնելու կրնար ելեկ գուրս:

Հոս ըսենք անցողակի թէ այսպիսի սանձարձակ ազատութիւնը շատ կիներու տենչանքն է, բայց ձըշմարտախօս ըլլալու համար կ'աւելցնենք թէ, հորատի կինը, որ հպարտ ու փառասէր էր թէև, և գուցէ պիտի քաշէր ատոր պատիմը, բայց ամուսնական պատւոյ մասին ծայրագոյն նախանձախնդիր էր:

Ուր երթալը գիտցնել չուզելուն, հետիոտն մեկնեցաւ տունէն և քիչ վարը հեծնելով վարձու կառք մը գնաց շտակ կէտիկ փաշա մօրը տունը:

Մայրը մեծ ուրախութեամբ դիմաւորեց դայն, բայց խկոյն նշմարելով անոր տիսուր և գալկահար գէմքը, հոգածութեամբ հարցուց պատճառը:

Գոհար որուն սիրաը արդէն վշտալից, պարպը ուելու կ'սպասէր, մկսաւ հեծելտանօք արտասուելով պատմելու իր անտանելի կեանքը:

Մայրը կրցածին չափ միխթարեց դայն, միկնոյն տաեն ըսելով նաև թէ հարկ չ'կար այդչափ տակնուվրայ ըլլալու, քանի որ կոտրած թափած բան մը չ'ըլլալով, հարուստ տուներու համար սովորական դէպքեր էին ատոնք:

— Բայց ես էրիկէս սիրուիլ կուզեմ;
— Քեզի չ'սիրեր նէ կառնէ՞ր;
— Մէկ մարդ մը իր սիրածը այդպէս ամեն գիշեր մինակ կը թողո՞ւ;
— Շիտակ է ամա ի՞նչ ընենք, հարկաւ ատանկ չ'մնար:

Սօրաքոյրին պարագան յիշելուն նարդոս պատասխանեց.

— Ո՞վ գիտէ, տուները շատ գործ ունենալու է որ չի գար կոր:
իրիկուան դէմ մեկնեցաւ մօրը տունէն, աղաչելով և խօսուած առնելով անկից թէ շաբաթ մը ետքը աղջկանը տունը երթալով քանի մը օր պիտի կենար հոն:
— Եղբայրդ քիչ մը պիտի նեղուի ամա ի՞նչ ընենք դուն ալ զաւակ ես, ըստ երբ աղջիկը տունէն դուրս կ'ելլէր:

Արդարեւ հետեւեալ շաբթուն գնաց թերա Գըրեաններու բնակարանը, ուր կէս հիւանդ գտաւ իր աղջկը:

Նորատի կինը զայն ներկայացուց իր ամուսնոյն ծնողացը, որք հարս առնելու գացած չ'ըլլալով չէին ձանչնար զայն:

Շփացած զաւակնին, Գոհարը առնելու որոշմանը հետեւեալ օրը, իրեւ ձեւակերպութիւն ծանուցած էր իր ծնողացը թէ պիտի ամուսնանար այն ինչ աղջկան հետ: Գիւանալով թէ ամեն առարկութիւն աւելորդ պիտի ըլլար, և միւս կողմէն, որուն աղջիկն ալ րլար իրենց համար կարեւորութիւն չունէր, որով յառաջիկային ամեն տեսակ գլխու ցաւէ գերծ պիտի ըլլային, իսկոյն հաւանութիւն տուած էին:

Տիկին Թորումեան ժամու մը չափ կրախնամիներ ըստն հետը խօսակցելէ վերջը քաշուեցաւ աղջկանը հետ անոր մանեակը: Աղջիկս ես քեզի աւելի աղէկ տեսնել կը յուսայի, բայց բոլորովին հիւանդ կ'երեւաս կոր, ըստ: Այո՛ մայրիկ, շատ հիւանդ եմ, պատասխանեց Գոհար տկար ձայնով մը:
— Ինչո՞ւ, նոր բա՞ն մը կայ: Ակսո՞ր չափ աղէկ պիտի ըլլար, եթէ մօրաքոյրս այս դշաղդ կեանքին չ'առաջնորդէր զիս:
— Հարկաւ ան ալ չէր գիտեր այսչափը, ըսէ ի՞նչ կայ նորէն:
— Երիկս շատ անտանելի մարդ է եղեր, մեղք ստացած կրթութեանը:
— Բաց խօսէ նայիմ, ըստ նարդոս հետաքրքրութեամբ քան թէ կարեկից:
— Քեզի եկած օրուանս գիշերը ամենեւին տուն չեկաւ և հետեւեալ գիշերն ալ այնչափ ուշ եկաւ որ չ'կրնալով համբերել երբ քանի մը խօսք ըսի:
— Ալ՝ դուն ալ երկայն կ'ընես կոր ա՛, պոռաց երկախս, չէ՛ նէ քեանեա մի՛ եկար մեր տունը: Պէլքի վազն ալ երկու գիշեր տուն չեմ գար, չ'հասկցա՞ր, գործ ունիմ ըսի անցած օր. հարս մարս ըլլալով, չ'են խառնուկը կոր, գո՛ւն ինչ...դ կը պատռես:
Նարդոս քանի մը միխթարական խօսքերէ վերջը դարձեալ համակերպութեան խորհուրդ տուաւ իր աղջկանը:
— Պէլքի ըրածս կը քաշեմ կոր, մըմրաց այս վերջինը տխուր շշտով մը:

— Ատոնք պօշ բաներ են , ինչ ըրիր քի պիտի քաշես , պատասխանեց մայրը ուսերը թոթուելով :

Բայց վերջապէս , մօրը ներկայութիւնը մխիթարութիւն մ'էր Գոհարի համար : Այդ իրիկուն դիպուածաւ կանուխկէկ եկաւ Թաղիկ պէտք , որ իր կեսուրը տեսնելուն բաւական մեծարանքներ շռայլելէ վերջը , աղաչեց որ քանի մ'օր կենայ , եւ մանաւանդ խրատէ իր աղջիկը որ իրենց տանը սովորական կեանքին մէջ փոփոխումներ մտցնելու համար անօգուտ վէճներ չ'հանէ :

Տիկին Թորոմեան պէտք եղածը խոստացաւ և խնդրեց փեսէն որ ինքն ալ իր կողմէն քիչ մը նկատողութիւն առնելով իր աղջիկանը ծնած մեծացած միջավայրը , օրուան մէջ քանի մը ժամ աւելի անոր հետ գտնուելու բարիքը չ'զլանայ :

— Կը կարծէ՞ք թէ ես կուզեմ այդպէս ուշ ժամանակ դրսերը պատիլ , բայց ինչ ընեմ ի հարկէ ստիպեալ ...

— Ինչ . հացի բարա՞ պիտի վաստիկիք , հարցուց կեսուրը կէս յանդիմանական շեշտով , փառք Աստուծոյ պէտք եղածէն աւելին ունիք :

— Բայց ապագան ալ մտածելու է , պատասխանեց փեսան չոր ձայնով մը եւ եղաւ ունեակէն դուրս :

* * *

Նարդոս օրուան մեծադրյն մասը անցունելով աղջկանը հետ , միայն կերակուրի ատեն մէկ երկու ժամ կը գտնուէր խնամիներուն քով եւ կը փոխանակէր

հետերնին քանի մը խօսք : Խսկ փեսան , հետեւեալ երիկունն ալ քիչ մը կանուխիէկ գալէ վերջը , վերըս-կըսաւ նախորդ կեանքին :

Այս կերպով շաբաթ մը անցած էր , երբ իրիկուն մը սովորականէն շատ կանուխ գալով գնաց շխակ իր ծնողացը գտնուած սենեակը , Գոհար և մայրը սրտի անհամկնալի սեղմումով մը , չ'համարձակեցան անոնց քով երթալ : Միայն երբ ճաշի զանգակը հնչեց իջան վար , և տեսան Թաղիկը որ լուրջ գէմքով մը նստած սեղանին առջեւը , անտարբեր ձեւով մը պատասխանեց անոնց բարեւին , մինչդեռ ոնոր ծնողքը սովորական վարմունքը ունէին :

Մայր ու աղջիկ ի գուր կը ջանային գուշակելու ատոր պատճառը : Նարդոս որուն կոկորդէն վար չէին երթար պատասխաները , անկարող այլեւս համբերելու .

— Թաղիկ պէտք շատ ախուր կերեւի , ըստ խօսքը գրեթէ բոլորին ալ ուղղելու ձեւով :

— Ոչ , բան մը չունիմ , պատասխանեց այս վերջինը շարունակելով գլուխը ծռած ուսելը :

Խսկ ծնողքը ամենափոքր շարժում մը խսկ չըրին :

Երբ ամենքը սենեակներնին քաշուեցան , Գոհար սպասեց որ ամուսինը ուեէ բան մը ըսէ իրեն . բայց այս վերջինը , որ կը շարունակէր միշտ նոյն լուրջ կերպարանքը , քանի մը անկարեւոր խօսք փոխանակելէ վերջը անկողին մանելով խսկոյն խորթալ սկսաւ :

Սակայն նորատի կինը վմտան էր թէ կար արտաքոյ կարգի բան մը և չէր խարուած , քանզի հետեւեալ օրը ամուսինը երկար բարակ արդուզարդէ մը ետքը երբ պիտի մնկնէր .

— Հարցնելը ամօթ չըլլայ ամա , ըստ անկրթար , սա մարդդ տահա քանի օր պիտի կենայ հոս :

Եյս անակնկալ խօսքերէն Գոհար ապշելով .
 — Մայրս քանի՞ որ մի պիտի կենայ , կմղմաց :
 — Անանկ է եա :
 — Անիկայ զիս սիրելուն կը կենայ կոր հոս , պատասխանեց թեթեւ բարիութեամբ մը մանկամարդ կինը , ապա թէ ոչ մեր հացին պէտք չունի :
 — Ես քեզի ուտելիք հաց չունի ըսի՞ մի , հարցուց էրիկը աւելի կոշարէն :
 — Ուրեմն քեզի ի՞նչ վնաս ունի խեղճ կինը , գոչեց Գոհար որուն վիրաւորուած ընտանիկան արժանապատուութիւնը հետզհետէ կը բորբոքէր , քու վրա՞դ նստեր է :
 — Իմ վրաս չէ նստեր նէ պիլէ , հօրս մօրս վրայ նստեր է :
 — Հօրդ մօրդ վրա՞յ մի , կակապեց Նարդոսի աղջիկը անկարող հասկնալու թէ միայն սեղանի միջոցին հետերնին դանուող կին մը ի՞նչ նեղութիւն կրնար պատճառել կերոջը և անկրին , անո՞նք ըսին :
 — Հապա ո՞վ պիտի ըսէ , շարունակեց էրիկը միշտ նոյն շեշտով , պէլքի մինակ նստիլ կ'ուզեն :
 — Մինա՞կ նստիլ մի ...
 — Հարկաւ , պէլքի կլողի խօսք մ'ունին :
 — Կի՞զի խօսք մի՞ ...
 — Անանկ է եա' , ես ի՞նչ գիտնամ , պէլքի պիտի տըտոեն ... :
 Գոհար իսկոյն ուշաբերելով գուշակեց թէ այդ խօսակցութեան շարունակութիւնը շատ հեռուները պիտի տանէր զիրենք , ուստի ըսաւ բոնի հանդարտութեամբ մը .
 — Շատ լաւ , այսօր կ'ըսեմ որ թող երթայ , արդէն իմ ստիպումովս կեցաւ մինչեւ հիմա :

— Կ'ուզէ նէ՛ թող չերթայ , պօռաց սրիկան և ելաւ դռնէն դուրս :
 Նարդոս որ նոյն յարկին վրայ սենեակ մը կը պակէր , լսած էր անոնց վէճը , անկարող սակայն խօսքերը իմանալու : Ուստի իր փեսին մեկնելուն պէս վաղեց եկաւ անոնց սենեակը , ուր Գոհար գէմքը երկու ձեռացը մէջ հեծկլտանօք կ'արտասուէր .
 — Աղջիկ , ի՞նչ կայ նորէն , հարցուց :
 Բայց աեմսելով շարունակ կ'ուզար նա , կրկնեց հարցումը երկու երեք անդամ :
 — Ի՞նչ պիտի ըլլայ , պատասխանեց վերջապէս աղջիկը , մայրդ շատ կեցաւ հոս , ա՛լ թող երթայ ըսաւ :
 — Կ'երթամ , կ'երթամ ես ալ հոս թէմէլ անկելու չեկայ ...
 — Ախ , մայրիկս , այս ի՞նչ դշբաղդութիւն էր որ եկաւ մեր գլխուն , ըսաւ Գոհար գրկելով մայրը սրուն արժանապատուութիւնը խիստ վիրաւորուած հազիւ կը զսպէր ինքվինքը :
 — Թող առներ վրան վլի , ի՞նչ , ա՛լ զա՞ւակս ալ չպիտի ցուցնեն լիծի , ո՞ւր աեմսուեր է ասանկ բան , գուն ալ չլրցա՞ր պատասխանը տալ :
 — Հերաէտ լսեցիր , ինչպէս պօռացի կանչեցի ...
 — Վա՛յ , էտէպսիզ վա՛յ , լօխմամը հացը կերեր ևմ տէյի ...
 — Ես քեզի չե՞մ ըսեր շարունակ թէ անտանելի մարդ է :
 — Հախ ունիս եղեր ամա , ինչ օդուտ , ուզես չուզես պիտի քաշես ... կ'երթամ հիմա կ'երթամ , անգամ մ'ալ հոս եկողին ոտքը կոտրի ... :

Նարդոս նոյն վայրկեանին իսկ մեկնելու պատրաստուեցաւ, շարունակ անխծեղով իր քոյրը որ էր բուն պատճառն այս ամեն չարեաց. բայց անկարող գիմադրելու աղջկանը թափանձանացը, ընդունեց անոր առաջարկը, որ էր իրենց բնակարանին կարելի եղածին չափ մատ փոքր տուն մը, կամ ի հարկին տունի մը մէջ երեք չորս սենեակ վարձելով կէտիկ Փաշալէն հոն փոխադրուել: Արդարեւ մայր ու աղջկէ քիչ մը պտտելէ հետքը չորս սենեակով տուն մը դասն ու վարձեցին իսկոյն և հետեւեալ օրն իսկ Տիկին Թորոմեան տղան հետ հոն փոխադրուեցաւ:

Մօրը այս մերձաւորութիւնը միակ միսիթարանքն էր նորաաի կնոջ, որ կը շարունակէր տառապիլ իր ամուսնոյն անապակ կեանքէն ու անոր ծնողացը օտարոտի վարժունքէն: Եարթուան օրերուն մեծադոյն մասը կ'անցունէր իր մօրը տունը, և այս վերջինը կ'երդնուր թէ ինքը գիտեր ընկելիքը, եթէ գոնէ անզամ մ'անցնէր իր ձեռքը լւտի քոյրը, այդ ըլլալիք Արուսը որ, ինչպէս ըսկնք, հարսնիքէն ի վեր անյայտացած էր:

Այս կերպով քանի մ'ամիսներ անցան և Գոհար կամայ ակամայ կ'ոկսէր վարժուիլ այդ անհամ կեանքին, երբ օր մը ըստ սովորութեան մօրը տունը և կաւ, բայց այնպիսի յուզուած և դեղնած գէմքով, որ Նարդոս առաջին նայուածքին իսկ գուշակելով թէ արտասովոր բան մը կար.

— Գոհար, աղջիկս, այդ ի՞նչ դեղնութիւն է, բանէ՞ մը վախցար, հարցուց մտահոգ և նստեցնելով նայն քովը բազմոցին վրայ:

— Սո՞ւս, մայրիկ, պատասխանաց մանկամարդ կինը ջերմուներու պէս գողալով:

— Ի՞նչ եղար, շուտ ըսէ, հիմա մէրաքէս պիտի մեմնիմ... Չեմ գիտեր, մըմրաց աղջիկը դէմքը գոյելով երկու ձեռքերովը և բայտեն զոյան բարեաց աղջիկը:

— Ի՞նչ չեմ գիտեր, հիւանդ ես նէ բժիշկ կանչնք:

- Բառելիք բան չէ որ ըսկմ...
- Քու մօ՞րդ ալ ըստելիք բան չէ, աս ի՞նչ ըստելիք բան է եղեր...
- Զըսեմ նէ ալ պիտի խենդենամ... քանի աչքիս առջեւը կուգայ...

Վերջապէս, մօրը պնդումներուն վրայ, Գոհար, չնչասպառ եղածի պէս, ատեն ատեն կենալով պատմեց թէ առաւօտուն իր ամուսինէն դրամ առած էր նոր գլխարկ մը և հագուստ շնիկու համար: Ամուսինը ըսած էր որ իթէ գլխար թէ իր կնոջը գնումները կէս կամ մէկ ժամէն կընային վերջանալ ինքն ալ միասին կուգար, քանի որ կինը կը դանդատէր թէ միշտ առանձին դուրս կ'ելլէր:

Բայց Գոհար պատասխանելուն թէ գնումները առնուածն չորս ժամ կը տեսէին, ամուսինը հրաժարած էր իր առաջարկէն: Ուստի, երթալիք տեղմ մօտ ըլլալուն... կառք չնստայ և կարապետը, ծառան առնելով մեկնեցայ... մէկ ժամը անցած էր որ կը պատէի, երբ սաստիկ խիթեր (փորի ցաւ) զգալով... տուն վերադառնալու ստիպուեցայ... Ինչպէս գիտես ամբողջ տունը օժիցներով ծածկուած ըլլալէն... քալողին ոտքի ձայնը զսուիր... վեր եղայ... դուռը բանալով սենեակէս ներս պիտի մտնէի... երբ... ա'հ, մայրիկ, չեմ կրնար

ըսել, գոչեց նորատի կինը երկու ձեռքերովը կրկին դոցելով իր գէմքը . . . սարսափելի, սոսկալի բան էր . . . Սմեն բանին ճարը կը գտնուի, ըսէ նայիմ ինչ էր, հարցուց մայրը անկարող գուշակելու եղելու թիւնը . . .

— Մօրաքոյրս եւ էրիկս . . .

— Է' Է', գոչեց մայրը :

— Զիրար գրկած . . . պառկեր էին . . .

— Արուսը, այսուց Նարդոս այսպիսի չեշտով մ'որ ոչ մէկ գրիչ կրնայ նկարագրել, սխալ տեսած չ'ըլլաս :

— Ո՛չ . . . զիս տեսնելուն պէս երկուքը մէկէն անունս տուին . . .

Նարդոսի ըղեղը կարծես իր պատեանը պատուելով գուրս պիտի ցայտէր :

— Ես այլես չ'եմ կրնար երթալ այդ տունը :

— Երթա՛ս ո՛վ կը թողու, պատասխոնէց մայրը մեքնաբար :

Սակայն խոստմնազրուժ կնոջ եւ անոր անիրաւ մօրը գշաղութիւնը դեռ չ'եր հասած իր վախճանին, Երկու օր ետքը առառւ մը Գոհար ըսաւ Նարդոսի թէ անհամկնալի հիւանդութենէ մը կը տառապէր եւ բժշկի երթալ կ'ուզէր :

— Երթանք, ըսաւ մայրը եւ քիչ ետքը հոնկից անցնող կառք մը հեծելով մեկնեցան եւ դացին շտակ Սրմանեանին ազգականը բժիշկին տունը, բայց չ'գիտնալով պարագան :

Դուռը բացող սպասաւորը երկու վայրկեան հեռանալէ վերջը, եկաւ իմացնելու թէ բժիշկը ստիշ պողական գործով պիտի մեկներ, որով հետեւեալ օրը կրնային գալ :

Երկու կիները չուզելով յետաձգել, Գոհար իր այցետոմաը տալով ծառային հասկցուց թէ ի հարկին աւելի պիտի վճարեն :

Քիչ ետքը ծառան վերադառնալով ներս հրամացուց զանոնք : Բժիշկը, ոչ թէ գրամի այլ Գըրեան անունը կարդալով հետաքրքրութենէ մղեալ ընդունած էր զանոնք :

Հիւանդը քննելէ վերջը, բժիշկը ըսաւ թէ իրեն նման նիհար եւ դեղնած կին մը չատրնց լինքինքը դարձմանել տալու պարտաւոր էր Ծառան կանչելով հրամայեց որ ջուր տաքցնէ : Դեղագիր մը գրեց եւ քանի մ'անկարեւոր խօսքիր փոխանակելէ հտքը, երբ ծառան եկաւ իմացնելու թէ ջուրը տաքցած էր, չի մը գեղ տալով Գոհարին ըսաւ որ հաճի քովի սենեաւ կը երթալով եւ այդ գեղէն մաս մը տաք ջուրին մէջ լեցնելով առաջին դարձմանում մը ընել :

Երբ նորատի կինը դեղը առաւ գնաց եւ բժիշկը վերադարցաւ սենեակ :

— Տիկին, ըսաւ ցած ձայնով, ձեր աղջիկը չեմ մեղազեր քանզի կը դուշակեմ թէ իր անառակ էրիկէն առած է այս հիւանդութիւնները . . .

— Ի՞նչ հիւանդութիւն, կակազեց Նարդոս :

— Ֆրէնկի ու անոր պղտիկ եղբայրը, ըսաւ բժիշկը, և զոր ձեր զիսնալը պէտք է :

Նարդոս պատամիսան չ'տուաւ նախ . գէմքին արտայայտութիւնը սարսափելի էր, բժիշկն իսկ վախնաւով, իսկայն անոր քով փութաց պիտանի գեղը ձեռքը :

— Վա՛խ, աղջիկս, վա՛խ Գոհարս, ըսաւ ակռաներուն մէջէն ձեռքերը ծունկերուն զարնելով . . . հիմա ի՞նչ պիտի ընենք :

— կ'աղէկնայ, տիկին, Աստուած հիւանդութեան
դէմ դեղն ալ տուած է :

— Վա՛խ, խեղճ զաւակս, կրինեց դարձեալ մայրը
կարծես չ'լսած բժիշկին խօսքերը, բերանս ինչպէս
առաջ պիտի երթայ ասիկայ իրեն ըսելու :

— Քանի մը օր պահեցէք, յետոյ սսէք .

— Չ'ըլլար, պիտի պնդէ... ա՞հ...

Այս միջոցին գուոք բացուելով սեմին վրայ երեւ-
ցաւ Գոհար ժպտագէմ, բայց այնպիսի ժպիտ մը որ
բժիշկն իսկ սոսկալով անոր քով վագեց . մահուան
դալուկի տեսքն իսկ այդչափ երկիւղալի չ'պիտի
ըլլար :

— Մայր, ամեն բան իմացայ, արդէն իմ օրերս
համրուած են, ըսաւ տկար ձայնով մը և ներս մըտ-
նելով :

Սրդարեւ, տուն վերապահնալուն պէս, անկարող
տոկալու այդ վերջին հարուածին ալ, անկողին ինկաւ
և մէկ ու կէս ամսոյ չափ ետքը մեռաւ, գրեթէ քսան
տարեկան, ի զուր սպասելով որ էրիկը դար գոնէ ան-
դամ մը զինքը փնտուելու :

Հինգ տասն պատրաստ ջնուռ զուս և ջեմալի .

Մահաղը կարդալէն քանի մը օր վերջը Յակոր
ըսաւ իր մօրը թէ ձանձրացած էր այլեւս բնակելէն այդ
տունը դոր վարձու տալով հեռանալ կուղէր : Մայրը
պատասխանած էր թէ կամքը իրն էր :

— Մայրիկ շատ հեռու պիտի երթանք, մինչեւ
եգիպտոս :

— Իու հետդ ամեն տեղ կերթամ :

— Ինչ ընեմ, մայր, թէւ անոր ողջութենէն խեր
մը չ'տեսայ բայց մեռնէլէն իվեր այս թաղը, այս քա-
ղաքը ինձի սեւ կերեւայ կոր : Աշխատած հաստա-
տութեանս անօրէնին հետը խօսեցայ . ամսական Յ
ուկի յաւելումով Աղէքսանդրիա իրենց ճիւղին պիտի
իրկէ զիս :

Արդարեւ շաբաթէ մը մեկնեցան . հաճելի ճամբորդու-
թենէ մ'ետքը հասան նոյն քաղաքը, ուր, հետեւեալ օրն
իսկ Սրմաեան հաստատուեցաւ իւր նոր պաշտօնին մէջ :
Տարի մ'անցած էր :

— Մայր, ըսաւ իրիկուն մը Յակոր, այս ամուրի
կեանքը չափազանց կը նեղէ զիս :

— Ինչո՞ւ չես ամուսնանար :

— Այս', պիտի ամուսնանամ... բայց ... թէպէտ
ամենքը այնպէս չեն ըլլար, հայ աղջիկէն աչքս վախ-
ցաւ մէյ մը ...

— Ետքը, հարցուց մայրը ժպտելով :

— Զեմ գիտեր որ պիտի ընդունի՞ս, քու հարսդ
պիտի ըլլայ ...

— Համակցայ, պատասխանեց Աննա միշտ ժպտուն,
այդ ընտանիքը ես ալ շատ սիրեցի :

— Ի՞նչպէս գուշակեցիր, մայր, հարցուց ուրա-
խութեամբ Յակոր :

— «Կէօրիւնէն քէօյէ քլավուզ իստէմէզ», պա-
տասխանեց մայրը, թէւ յոյն են բայց տեսած օրէս
ամբողջ ընտանիքը, և մանաւանդ Սօֆին սրտիս
մէջ դրին :

— Ուրեմն կ'ընդունի՞ս , հարցուց երիտասարդը
աւելի ուրախ :

— Այո՛ , և շատ գոհ եմ ընտրութեանդ համար :
— Կարծիմ թէ քիչ մ'ալ անոր կը նմանի :
— Այո՛ , բայց ինչալահ անոր բնութենէն չըլլար :
— Ես ճանչցած օրէս փորձեցի , թէ անկեղծ և թէ
լուրջ աղջիկ է :
— Իրաւունք ունիս :

Աղեքսանդրիա համակենէն երկու ամիս ետքը կի-
րակի մը Սրմաեաները զիպուածաւ զբօսավայրի մը
մէջ ծանօթացած էին այդ ընտանիքին , որք Քարտօբլօ
կը կոչուէին , և չորս տարի առաջ Պոլիսէն հոն հաս-
տատուելու գացած ըլլալով , լաւ տաճկերէն գիտէին ,
մինչդեռ Սօֆի և իրմէն երեք տարու փոքր մէկ քոյրը ,
Պոլիս հայ ընտանեաց հետ յարաբերութիւն ունենա-
լով , քիչ մը հայերէն ալ կը խօսէին :

Երիտասարդը չէր սխալեր . Սօֆի , եթէ ոչ բոլո-
րովին , գէթ շատ նմանութիւն ունէր Գոհարի հետ և
զոր տիկին Սրմաեան ալ հաստատած էր :

Ուստի , զիւրաւ կարելի է գուշակել թէ , ո՛րչափ
յուղուեցաւ և անդիմազրելի համակրանքէ մը մղեալ
փափաքեցաւ մօտենալ այդ նորատի անծանօթուհոյն
Յակոր , որ միայն ու միայն անկարելիութեան առջե-
րոնադատուած էր համակերպելու , գեռ առաջին ան-
գամն ըլլալով բայց ամբողջովին իր սիրտը գրաւած
աղջկան մը կորստեանը :

Եթէ կարելի ըլլար տեսնել ու կարգալ անոր սըր-
տին խորը , պիտի տեսնուէր որոշակի թէ Գոհարի
պատկերը այնպիսի անջնջելի կերպով մը զրօշմուած
էր հոն , որ Պոլիս գտնուած միջոցին , վայրկեան

իսկ չէր կորուսած տարտամյոյս մը թէ գուցէ նորա-
տի աղջիկը , իր խօսառումը զըմած ըլլալու խղճի խայ-
թէն առապապելով , վերջապէս պիտի գար միանալու
այն մարդուն , որուն ինքը ազդած էր առաջին եւ այն-
պիսի զօրաւոր սէր մը :

Երիտասարդը ենթագրելով վայրկեան մը այդ յոյսին
իրականացմանը կարելիութիւնը , կը հարցունէր իւրու-
վի թէ , այդ պարագային ինքն ալ պիտի կընա՞ր մոռ-
նալ անցեալը եւ գրկաբաց ընդունիլ այդ կինը , որ
թերեւս ոչ թէ խղճահարութենէ ստիպեալ , հապա գըշ-
բազգութենէ հալածուելով միայն պիտի գար հանդար-
տութիւն եւ սփոփանք գտնելու այդ յարկին տակ :

Յակոր կը խօստավանէր իւրովի թէ ինչ որ ալ ըլլար
այդ զզման կամ վերադարձին շարժառիթը , ինքը պիտի
ընդունէր զայն , աննշան մերժումէ մը ետքը :

— Շատերը կընան վատութիւն համարել այս վար-
մունքը , կը խորհրդածէր , բայց եթէ բոպէ մը միայն
իմ տեղս ըլլան , վատահ եմ թէ իսկոյն պիտի փոխէն
կարծիքնին :

Սրգարեւ , տեսանք թէ Գոհարի մահուանը անա-
կընկալ պարագանորպիսի դառն վիշտ մը պատճառած
էր Երիտասարդին , որ անկարող այլեւս ապրելու հոն՝
անոր անդառնալի կորուստէն վերջը , որոշած էր հե-
ռանալ եւ այլուր փնտոել իր միխթարութիւնը :

Զբօսավայրը մանելով մօրը հետ հազիւ տասը
քայլ յառաջացած էին , երբ նշմարեց յիշեալ ընտանիքը
որք սեղանի մը շուրջը բոլորուած նստեր էին :

Հասկնալի է ուրեմն թէ Յակոր մանկամարդ
հէլէնուհին տեսած վայրկեանէն իսկ կառչեցաւ անոր
տիրանալու յոյսին :

Ուստի անոնց քովը պահուած սեղանի մը առջև
մայրը նստեցնելէ վերջը ինքն ալ նստաւ և մեծ ուշ
շգրութեամբ, բայց խիստ զգոյշ կերպով ջանաց իւ-
մանալու անոնց խօսակցութիւնը : Էիստ ցածէն կը խօ-
սէն, բայց երբ հասկցաւ յոյն ըլլալնին, չկրցաւ զրա-
պել վաղանցուկ սրտնեղութիւն մը որ շուտ փարա-
տեցաւ, երբ նորատի աղջիկներէն մեծը, անչուշտ հե-
տաքրքրութենէ մղեալ ուշադիր նայեցաւ երիտասար-
դին, որ իր կարգին չէր ուզեր զատել աչքերը անոր
գէմքէն, բայց անքաղաքավար երեւնալու վախին, ա-
նոր՝ խօսակցութեամբ կամ ուրիշ բանով մը զրադ
միջոցին գաղտադողին կը դիակը զայն, ինչպէս ըսինք,
գոհարի հետ ունեցած նմանութենէն հրապուրուած :

Տիկին Սրմաեան, որ սեղանին առջև նստելէն
վերջը միայն նշմարած էր այդ նմանութիւնը, և յետոյ
զաւկին դէպի Սօֆի նետած ակնարկները, իր կար-
գին իմանալով անոնց յունարէն խօսիլը .

— Այս մեր քովի ընտանիքը Պօլսեցի են կար-
ծեմ, ըստ :

— Այո, այնպէս կ'երեւի, պատասխանեց Յակոբ
որուն յուզումն ու հետաքրքրութիւնը քանի մը պա-
տիկ աւելցաւ իրենց փոխանակած բառերուն հետ նու-
րատի քոյրերուն դիմացը վրայ հաղիւ նշմարելի ժպիտ
մը նկարովը տեմելով :

Անոնց մայրն ալ որ երբեմն ուշադիր կը դիտէր
թէ երրիտասարդը և թէ տիկին Սրմաեանը, իր կար-
գին նշմարելով աղջիկներուն ժպտիլը .

— Ինչո՞ւ կը ժպաիք, հարցուց յունարէն :

Յակոբ որ քիչ մը կը հասկնար այդ լեզուն, ուամ-
կօրէն ըսուածին նման, ականջները տնկեց իմանալու

համար անոնց տալիք պատասխանը . բայց մանկամարդ
քոյրերը փոխանակ պատասխանելու, գէպի Սրմա-
եանները արագ ակնարկ մը նետելէ վերջը կրկին ժըպ-
տեցան :

Երբ տիկին Քարտոբլօ նորէն հաբցուց թէ ինչու
ժպտած էին, Սօֆի իրենց լեզուաւը կրկնեց Աննայի և
որդուոյն խօսքերը :

— Կ'երեւի թէ Պօլսէն նոր եկեր են, ըստ հայ-
րենին որ մինչև այն ատեն լուռ մտիկ կ'ընէք :

Նորատի աղջկան հայերէն գիտնալը ևդաւ ամեն
վարանում փարատող վերջին պարագան : Երիտասարդը
նշին պատրուակ մը դանեղով հօրերնուն հետ խօսակ-
ցութեան մտաւ և քիչ ետքը երկու ընտանիքները
մէկ խումբ կազմեցին և վաղեմի ծանօթներու պէս
տեսակցիլ սկսան : Միասին մեկնեցան զբօսալայր-
բէն : Տիկին Քարտոբլօ որ քանի մը հարցումներով հաս-
կըցած էր Սրմաեանի դիրքը եւայլն, հրաւիրեց որ եր-
բիմն իրենց այցելութեան գան : Անտարակոյս է թէ
հրաւէրը միրով ընդունուեցաւ :

Յակոբ, իր գիտաւորութեանը մասին բառ մը իսկ
չըսելով, տասը ամսոյ չափ փորձեց նորատի աղջկան
բնաւորութիւնը և երբ վերջապէս իր որոշմանը նպաս-
տաւոր գտաւ զայն, հետամտած նպատակը հաղորդեց
մօրը, որուն հետ տեղի ունեցած խօսակցութիւնը վերը
պամեցինք :

Գործին մէջ առանց օտար խաւնելու, Աննա հե-
տեւեալ օրն իսկ խօսք բացաւ մանկամարդ աղջկան
մօրը, որ խիստ գոհունակ դէմքով պատասխանեց թէ
երիկուան ամուսնոյն խօսելով հետեւեալ օրն իսկ պիտի
բերէր պատասխանը :

Յայտնի է թէ այդ պատասխանը հաստատական
հղաւ, և կարձ նշանտուքէ մ'ետքը ամուսնութիւնը
կատարուեցաւ հայ պսակով :

*
* *

Պանքայի գէպքէն ետքը Աղեքսանդրիա դաղթել-
նէս հինգ տարի վերջը ծանօթացանք Յակոբի հետ, որ
ըրաւ մեզի այս պատմութիւնը երբ հարցուցինք իրեն
թէ ինչո՞ւ յոյն կին առած էր :

Այսուհանդերձ, տակաւին իսկ թեթեւակի կը դո-
ղար անոր ձայնը, և գէմքը կ'ստանար մելամաղձոտ
տեսք մը, ամեն անդամ որ Գոհար անունը կ'արտա-
սանէր :

— Գո՞հ էք ձեր կեանքէն . . . բայց խօսելով ձեր
կնոջմէն :

— Երջանկութիւնս կատարեալ է. կինս որ տեղ-
եակ է պատահածին, այնպիսի ազնիւ և վեհ սիրտ մը
կը կրէ, որ երբ տաեն տաեն և ակամայ հին դառն
յիշատակներ կը տիրեցնեն զիս, այդ ուխտագրուժ
աղջիկը չմոռնալուս համար սրտնեղելու տեղ, անկեղ-
ծօրէն կը ցաւակցի ինձ և կը մխիթարէ զիս :

— Այդ առաքինի կինը Աստուծոյ մէկ պարգեւը
համարելու էք :

— Առաքինի բառը քիչ է անոր համար . . . , ըստ
Յակոբ տրամադէմ, բայց թերեւս աւելի երջանիկ պիտի
ըլլայի եթէ առաջին սէրս չմերժուէր :



P. U.

No: 5295